

باب النبی

دیوان بالعامیۃ المصریۃ

(قصیدۃ واحدۃ)

شعر : إبراهیم رضوان



حقوق الطبع والنشر محفوظة
لدار الأدباء



اسم الدار	دار الأدباء للنشر والتوزيع
اسم الديوان	باب النبي
اسم المؤلف	إبراهيم رضوان
رقم الإيداع	(٢٠١٨ / ٣٨٠٢) بدار الكتب المصرية
الإخراج الفني	دار الأدباء. (إيهاب القاضي)
الغلاف	من تصميمات الدار

فى دنيا لسه مزيفه
مع ربح بترجف مركبى
ع المهره .. راكمه الأنصفه
طالعین لفقو باللولبى
واحنایا طه بننجلد
على ضهرنا .. من غیر سبب
غیمه سواد فوق البلاد
تشبه یا هادى أبو لهب
لكن كتاب الله مدد
للى حروفه بتنشطب
باهدى إلیك یا مصطفى

إبراهيم رضوان



باب النبى !!..

الباب مفتوح دائما للروح
والنسمه بتدخل تحيينا
بلسم ومقدس للمجروح
وشعاع مبروك بيدفينا
نفتتح القاعه بأعلى رسول ..
مرسل بأصول إلى يوم الدين
كان لما يقول أحاديث يبطول ..
فى صحابه بتشتى حنان وحنين
كان لما بيخرج سيدنا رسول الله م البيت
يقفل فى الباب الدافى وراه بهدوء
يبتسم الباب.. يتوضى بضوء الضوء
وتغنى عروق الأرض لدم الخير
خارج علشان .. يقضى مشاوير للغير
بيرفرف فوقه الطير
وتهفهف جنبه نسايم نور وعبير
ويبان حواليه الكل نجوم



ويقوم م النوم .. شايلى فى هموم
أصحابه بشكل غريب
ينده للقوم والصوت شفاف
ولا أبدا خاف ..
ولا كان خواف من غدر قرىش
كان فرد وكان .. لو يغضب جيش
ومفیش فى كلامه ریاح أوطیش
ومفیش تهویش
كان لما يروح لمكان .. يتبسم للمشيين
يتبسم للقاعدين
يتبسم لنانشم عبيره بشوق
شلال الذوق والحب .. وبحر النور
ولا كان ولا كان أبدا برسالة الله مغرور
ولا كان جبار.. ولا كان غدار
ولا ظلم الجار
كان يجرى الخير .. على إيده الطاهر..
لكل الناس أنهار
يسال ع الجار ..
لو غاب عن عينه ساعات

وبيات على لقمه بزيت
ومفیش فى البيت .. غير صوت قرآن
السنتى معاه يصبیح فدان ..
ويكون فدادين
جبريل بيقوله الآيه ..
ويفرح لما يقوله آمين
ولا مين فى الكون ها يطوله فى يوم
ولا مين يقدر يعاديه
أويعلی بصوته عليه
كان لما يقول الكلمه ..
يقولها بصوت حساس
توصل للناس ..
شفافه وطاهره بدون تزيف
كان دايمًا شایل جوه جيوبه رغيف
لو قابل طفل يتيم .. يعطيه
ويبوس فى خدوده .. يبوس فى عنيه
وتطبطب إيدہ عليه .. يكسب فى ثواب
ويدق الباب على ناس عايزين
وياه قمحايه .. فى لحظه



تكون للكل خزين
وياه الرزق براح
وصباح ببيان فى الليل
وياه قناديل للجنة وحضن حلال
وياه السطح وفوقه بلال
وياه الضىّ تلال ..
وكلام من عند الرب عظيم
الكل يقوم تعظيم
لحظة دخلته ع الكل مهاب
ينفتح الباب على نور مبدور
وزهور وحروف زى الألماظ
وياك يا رسول الله المؤمن فاز
والقلب ارتاح فى لقاءك
الله على قمح ضياك
الله على (رمح) فى صدر الزور
ولا شاعر أبدا ولا مسحور
وان دخل السوق
يصبح قدامه الكون مطلق
وكأنه شروق لشموس الخير ..





على نخل إيمان
الأرض تحن إليه .. تحضن رجله بحنان
والناس تتزاحم .. يعلى الصوت
وفوت الضى على العاشقين
رغم الأشواك .. يحترم الموت
ويقول لكلام المولى أمين
ولا كان فى الدنيا رسول يهدينا سواه
الله الله الله

ع العاشق لما يلاقى هواه
على أحمد لما يجينا بضى العين
ويجيب تعاليم الدين
لقلوبنا فى لحظة شوق..
ويحب الله فى علاه
الله الله الله

شلال الضوء .. شفناه .. شفناه
بيقول الله الله الله
وبيعلى معانا ويوصل للسموات
الله .. جبل الحسنات ..
موجود من بدرى معاه





الله الله الله
على صوت الحق ان هز النبض وحرك فيه
ورعش فى إيديه
واداله الآيه عشان تهديه
وتوصل فيه للجنه
توصل فيه عرش الرحمن
يا رسول عدنان
يلمس فى الشوك ..
تتحول كل فروعه حرير
يا رسول يا مجير .. للسان والمحروم
ونقوم م النوم ..
تسأل فى خديجه عن الأحوال
تهمس لك إن ميزان الكافر مال
وانك ولا تحمل هم المال
المال موجود
تهمس لخديجه (سيبيه لله
إعطى المحتاج لو ليله يعوز
خلينى معاكى نفوز
بالجنه وكل نعيم موجود





يا خديجه العطف على المحتاج موجود
فى كتاب الله (الله الله الله

يخرج .. وآيات الله حواليه
بتبارك فيه

وتوصل قلبه لفين مايريد
الخير بيزيد يا رسول للكون
كان لما رسول الله بيقول
يصبح فى العون

ويمد إيديه.. للسائل والمحتاج
بيكون على كل الدنيا التاج
والحامل فى المفاتيح
والقايد فى المصابيح

والبلسم صافى لكل جريح ودبيح
والواقف دايمًا لاجل يدوس ..

على ريح الريح
يوهنا العقل مريح
ويجينا مع التسابيح
ويجيب عناقيد الضوء



ويبص بشوق ..
سَيِّدنا محمد ع اللى بينده ليه
كل الأشياء حواليه بتبص عليه
وتبوس فى عنيه .. وتبوس فى إيديه
وتسمى عليه ..
أول ما تشوفه بينده ع الأصحاب
النسمه بتقف تانى وراه الباب
يتبسم ليها يردد فى القرآن
بيدوس بأيات فوق البهتان
ويشوفه الطير قلقان
فيرفرف فوقه بأحلى جناح
يرتاح لو قابل صاحب ..
جوه البيت أو بره البيت
ويقول لجميع الناس حبيت ..
العطر .. إن جانى فى يوم جبريل
ويكون فى الليل قناديل ..
ونيازك طاهره وضى نجوم
يصبح للدنيا علوم .. وبيان
الله على ضوء قرآن فى الرحله معاه

الله الله الله
على أحمد لم ينام فى سريرته أمين
الله لو زال الطين ..
من فوق الصلحه وصار رياحين
الله على قلب حزين
علشان شاف الكفار.. ناسيين الدين
يسمع من بره طنين
يخرج فيلاقى الكفرة..
ببرموا عليه فدايين من شوك
جبريل فى الغار .. وصل لفؤاده ..
سلام الله و كلام الله
إطمئن قلب محمد لما الوحي ناداه
الله الله الله
على صوت الحق ان كان مسموع
على دق الباب لو كان مشروع
على صوت الجوع جوه الصابرين
ولا مين هايطول القول من أغلى رسول
ولا مين ها يكون ضد المختار
إختار الدين ..



ورفض فى جبال لؤلؤ وياقوت
الله ع الشمس الصافيه الدافيه..
لوها تفوت ..

على روح .. بردان
الله على صوت قرآن .. خارج م البيت
الله على أجمل حرف حلال
الضوء فى البيت بالهادى تلال
وان قال بيقول .. قرآن محفوظ
الحافض فيه دايمًا بيفوز

وان عاز .. بيعوز ..
يقراه من تانى عشان يرتاح
وياه مليون مفتاح ..
للجنة وعارف مين هايروح
يا حبيب الروح .. والروح شايفاك
عارفاك من بدء لقاك وضياك
من أول آيه و(اقرأ) كانت خير
بدء المشاوير ..
للجنة و راحه فى قبر مريح
يا جبال البلسم



لاجل جريح محروم عايش
 علمت الناس العوم.. فى محيط كان كله حيتان
 خلّيت الشط حنان قى حنان فى حنان
 صبح القرآن وياك يا حبيب.. مركب إنقاذ
 وصباح قنديل لليل لو عاز
 وفؤاد موجوع فى الآخر فاز
 الدين يا حبيب القلب ماكانشى طريق هزاز
 ولا كان تهديد
 بتجيب العيد قبل المواعيد
 ولا دوقت فى عمرك إلا حلال
 الكذب محال .. والغدر محال
 ولا عمرك دقت خطايا ولقمه حرام
 وان كنت هاتمشى فى يوم قدام
 الورد يبان لو يلمس شوك
 ويفوت على كل عباد الله بسلام مبروك
 الكل يرد بصوت مشتاق
 يا رسول الله يا ضياء.. يا رجاء
 يا نقاء الدنيا اتجمع جوه كيان إنسان
 يا (بيان) للناس الهايمه فى ليل التيه

يا ميدان .. بيصلى الكل عليه
وبيحضن فيه
يا (صراط) والكل بيحلم بيه .. وكمان وكمان
قلبك .. الله يا حبيبى عليه ..
بيدق لكل الناس
الدعوه فى مكه تكون أجراس
زالزال بيهز أراضى الكون
وانت اللى يتيم .. وياك الله فى العون
الكاره ليك .. يتحول قاتل أو مجنون
يتحول ديب .. بيعض فى ناس شايلين قرآن
الله يا كلام لرسول عدنان
موجود من بدرى فى كل مكان
بيبشر كل شريف بالجنه ..
وكل دنئ خاين بالنار
من أول وحى لاكان غرقان ..
ولا كان بهتان .. ولاكان محتار
ولا كان مخنوق
الجسم دا كان ع الأرض ..
وروحه بتسبح فوق

السبحه .. نجوم الضوء
وعبايته بتملى عيون الناس رياحين
بيقاسى كيتز ..
فى سبيل الدين .. والكل معاه
لكن موجود كفار
واقفين بسيوف قدام الدار
بصين من بدرى لفتح بابيه على الأصحاب
ينفتح الباب .. الضلمه تدوس فى عنيهم
لاجل يفوت بأمان
يتهجى رسول الله القرآن..
ودموعه تسيل
يقراها الصاحب تانى عليه ..
ودموعه تسيل
فعلا يا حبيب الله مشوار..والحمل ثقيل
والشيله ثقيله على الإنسان
وكلام الله ..
يقدر على أعتى جبل يفنيه
ويصدع فيه
فما بالك بالإنسان



أكدت لكل الناس بالقول..
إنك يا حبيبى بشر مبعوث
وانك إنسان .. لكن مختار
حددت البعض هايدخل أحلى نعيم
والباقي لنار النار
أحباب حواليك .. وعداك كفار
والدار مش لاقية الزاد
دا لأن الهم فى قلبك زاد
متفرغ تمشى بلاد وبلاد
بحثا عن مؤمن .. لاجل تضيفه سند وياك
تقسم فى اللقمة مابين كل الأصحاب
يشبعوا بر غيف الحاف
والأكل الجاف
والسما لوكانت أحلى لحاف
أو تبقى الأرض سرير
مشغول بالغير.. وبغير الغير
ومناضل ضد صفوف الزور
خلت النور فى طريقنا زهور
والدور كان ييجى بفرحه عليك





فتسيبه لصاحب م الأصحاب
ولا تاب إلا التايبين
ولا غاب إلا الغايبين
ولا جانا فى يوم أبدا إلا ك
وانت اللى مفيش يا حبيب جواك..
غير نور الله
الله الله الله
على أغلى رسول مبعوث من رب الناس
بيحارب فى الخناس
ويعلم كل العالم مهما يكون ..
معنى الإخلاص
معنى التصميم ع المبدأ..
مهما يقاسي من الظالمين
معنى التراتيل مع نور جبريل
يمشى سيدنا محمد جوه الليل حيران
ويبص وراه .. فيلاقى الكل وراه
الناس .. والشمس .. وأرض الله والضوء
الطير والنور والخير والشوق
والطير لو كان مطلق



وصحاب بتدوس السوق
وجبال ملهوفه تبص عليه ساعة لقيه
الله الله الله
الكل وراه
الضى ودمع العين
الفجر ان كان تراتيل وحنين
وكلام بيقول إن انت رسول الحق لكل الناس
وانك أجراس .. بتدق ..
تدق .. تكون حراس
على كل زوايا الكون
الله فى العون وياك يا طبيب حبيب
يا محروس
قادر على إنه يدوس الخوف
بالحب يشوف كل المخاليق
دا لأنه منزل م الرحمن
حامل قرآن محفوظ وشريف
إنسان فى الدنيا عفيف ونضيف ..
مليان بحياء

لو شاف عريان فى طريق مكشوف .. بعبايته يدارى
عليه.. يداويه
وان قابله فى يوم محروم يداريه ..
من ليل مسروع
ولا كان بيجوع .. ولا يشبع أبدا مهما يكون
واقف بكلامه فى عون العايز والمحتاج
بيجيب التاج .. للصاحب والملهوف
والفاقد شوف
والعايز يوم يرتاح .. من تعب الليل
تمشى وياه الخيل بهدوء..
وتسهل فىن مايروح ويروح
النور مسموح يسبح فى ضياه
الله الله الله
على قلب فى نبضه ضياه
كان لما فى ليله يروح مشوار
نلقاه بيفتح فى النوار
وتهل كل الدنيا عليه
الدمعه تبان لؤلؤ فى عنيه..
ودموعه تبان..



لو قابل طفل بدون سروال
يسأل فى جميع الناس ع الحال
وان طال مشوار الحب عليه
يتحول ألف محيط بالموج
بيصلح فى المعوج
ويصح فى الأخطاء
ويداوى الداء لو زاد ع الروح
على كتفه الدافى حمام الدوح
ويزيد البوح .. من كل رفاقه إليه
النسمه تبوس دايمًا فى إيديه
والكل يصلى عليه
الله وملايكة من الرحمن
يفتح فى بيبان الصبر .. نجومه تبان
جبريل بيزود فى القرآن
والناس بتجود أياه فى أياه بدون تقصير
لو شاف فى طريقه عسير..
يعيطه بحنان كل اللى معاه
كان لما بيمشى ..
بتمشى الدنيا فى لحظه وراه



الله الله الله
على أغلى رساله بدون تحريف
وبدون تجريف
على كل شريف صدق دعواه
الله الله الله
على شاييل قول الله
على أحمد ..
ماشى ونخل السكه بيسجد ليله معاه
على صوت (مزمل) ماشى الكون وياه
على قلب جريح .. إرتاح بدواه
الله ع الخارج لاجل يطهر فى الأرواح
ويكون مفتاح .. لببيان المولى
لما (الوحي) نزل يحميه
الله على إيد ممدوده بتطفى نيران التيه
وتكون إنقاذ
وتكون ألماظ فى قلوب عاشقين
الله على ضى العين .. متكحل بالقرآن
الله لو ضى القادر بان
على كل غصون البان .. ساعة ماتميل

على نيل مليون أرزاق
الله لو ضى رسول.. لو عهد الله هايبان
الله على بجه من العشاق
الله على صاحب عمره مافكر يوم فى فراق
ولا أبدا مال
الله فى سؤاله على الأحوال
الصوت الأخصر ..
خارج نور من قلب بلال
الحرف الطاهر لما يهز جبال
ويصدع فيها بعون المولى .. وتفرح بيه
الكل بيسبح من حوالية
سيدنا رسول الله ..
يُنظر بعنيه و يبص لفوق
فيلاقى سحابة ضى بتشتى عليه
وبتحضن فيه
تتبل هدومه .. ينشف فيها بكف حنان
ويردد فى القرآن
ويزور كل الأيتام
ويظهر فى الأيام .. من رجس حرام



من كفره ما زالوا ..
فى عز النور عاشقين فى ضلام
ويرش سلام
على كل حبيب أو أى قريب .. أو أى غريب
بيقول الدين لله
فبلاشيا صحاب ..
نطعن فى ديانہ ماہش اسلام
نحلم بخطاوى جديدہ فى كل مكان
نصبح فى الدنيا شموع لحنان..
ونجوم لإيمان
وان كان على تعب الجسم خلاص مقدور
وان كان ع النور .. هايجيننا أكيد
قبل المواعيد
هايريح لنا القلب .. يهدى الروح
مش عايز دم يكون مسفوح
ولا شئ مدبوح
الحب ان كان بإيمان .. هو المسوح
وحلال الله
والكذب حرام



والفتنه حرام
نفضل في خصام بيطول للكل حرام
دوس الأزهار في طريق الدعوه حرام
عدم القرآن وقرأيته بجهل حرام
كسل الأجساد عن ركعه تقوى حرام
والحب حلال
صلة الأرحام مطلوبه في شرع الله
وشهاده الزور بتودى النار
وعقوق القلب على الوالدين
بتخلي القلب حجاره وتل صخور
ما تقولش الزور
ولا تنطق الإبشرع الله
واتوضى بميه قليله ..
ان شالله تكون على ألف محيط
وتسيب البيت مفتوح على طول
للعابر جوه سبيل مختار
وتحب الجار
تهدى الكفار بالحسنى وقول معلوم
الحسنى تدوم

والكل يعوم فى بحور قرآن
وشطوط أحاديث
الهادى يفوت .. وعنيه أحاسيس
وف جيبه القوت .. وف قوله ياقوت
دمعة أشواق كانت فى عيون السما
عائناها لحد ما (طه) يفوت
الله على ريحة الجوز والطيب
الله على طعم الهوى والتوت
الله على صوت السما .. لو قالت آيه معاه
الله على ندهه كريمه لصاحب تاه
الله على فضل الله
الله الله الله
على أغلى رسول عايش فى الكون
بيصح دايم فى الأوضاع
لون الكفار فى الليل مجنون
بيزود دايم فى الأوجاع
إيده تتمد فى جيبه ..
وتخرج فوق الكف رغيف
يقسمه على ميت مليون محتاج.

ويبصوا عليه.. فيلاقوا التاج ..
قرآن بيردد فيه ويحفض فيه
ويحفض كل الناس معانيه
يا فقير .. وغناك .. إنك مبعوث
إنك بتدوس على كل صنم كافر موجود
إنك فدادين الجود .. بتجود..
على حتى قلوب كفار أشرار
يا خزين الدار .. ورسول مسؤل
مش أى كلام موزون بتقول ..
دعوة مسؤل
حامل مفاتيح التقوى وطافى الليل لو طال
وياك مليون خيال
الواحد فيهم زى جبال
وان طال الجرح بتصبح بعد شفانا نشيد
إنت التجديد.. وانت المختار
إختار القلب هواك على طول أو مدد
يا رسول مبعوث من عند الله
الله الله الله
على قلب الصابر مهما يزيدوا عليه

على قلب آيات القادر فيه
على أحمد لما يمسح دم عنه ..
بعبايه نور
ولا كلمة زور أبدا فى لقاءك
الدنيا بشوق سامعك
وبيجرى هوائك فى الدم .. يكون حواديت
عن حجه شريفه لبیت
مستنى قدومك من سنوات
الله على آية الحق لقلب نضيف
الله على نور بيضيف .. للعالم نور وزهور
ينده لهوائك عصفور ع السور
ويمد جناحه بفرحه إليك
ويرفرف ويا النور حواليك
وان بص دقيقه فى ضى عنيك
تنزل دمعاته إيمان ع الرمش..
تبل الريش
وياك الواحد يوزن جيش
أمة إسلام فيها الملايين
يا مساوى ما بين السود والبيض



يا محيط بركان دايمًا بيزيد ..
ويفيض ع الناس
يا ميزان حساس..
لحظة ما بتقسم شئ موجود
يا سجود لإله معبود
ووعود من رب كريم
إختار عبده المختار
وبعت جبريل بالوحي من الرحمن
جالك قرآن صادق وشديد
ها يجيب العيد من بعد العيد
وهايبقى خلاص..
لعباد الله من بعد آيات..
تعلن للقوم .. إنك مبعوث..
لرساله هاتفضل خالده ليوم الدين
رغم الكفار
فى كل زمان ومكان فى الكون
ماتخافش يا طه فى يوم
ربك فى العون
الكثره لا يمكن يوم هاتفوز



وهانتعب حبه ..؟ يجوز
لكنك بعد الليل مايروح .. لازم ترتاح
إزيك وانت رسول عدنان
إزيك وانت الهادم فى الجدران
جدران الزيف والزاييف .. والبهتان
إزيك يا الله الرب اختارك للقرآن
وفتح فى بيبان الصبر عشان ترتاح
واعطاك مفتاح الجنة ..
وقالك كون يا شفيع ..
الصابر ع الكفار
والنور فى الدار لوندته ليك
والقادر تهزم جيش غدار ومعاك أفراد
إزيك وانت جبال الزاد .. لاجل الجعانيين
إزيك وانت الدين موجود ..
وعماد الدين
إزيك يا ابن أمينه الطاهره يا سيد الكون
إزيك كان الله فى العون
بعتك عشان الناس ترتاح
وبعت وياك مفتاح ..



للآخره.. وخلقى عنيك مصابيح
نتدارى فى نورهم م الأخطاء
إزيك .. نهر العالم راق
يا حكيم .. وياك ترياق
ولا همك يوم أسماء
ولا هايب حتى ملوك وجيوش
بتعيش للناس .. لو كانت يوم محتاجه لزاد
وتقدم فى الأعياد
وتجيبها قبل ميعاد معلوم
الديب بيحوم
ولا يقدر حد فى لحظه .. يفكر لحظه يلوم
غير الكفار
يا رسولنا يا حكمة عدل .. ومنجم للأسرار
بتشيل فى هموم الجار لو كان مديون
لو كان الكون ..
ضيق على قلبه وحاسس خوف
أو كان بيشوف اللون مش لون
ونهاره بحزن رهيب مدهون
يا رسول فى العون



ماشى وسحابه مازالت فارده الضل عليك
وتراب بيبوس رجلك
علشان يصبح ألماظ
ورفاق ملايين
ماشيين بيقولوا الأيه وراك
والسكه مازالت نار وهلاك
وف كل مكان أسلاك
بتعطل سيرك نحو مداين شوق
ولا كنت البوق
ولا كنت بتبحث عن أملاك
إنسان والقلب ملاك شفاف
مليان بحنين
بيقرب شكل الدين
لاصحاب تايهين
وبيهدى الكل لشئ موجود ويا الإسلام
الفتنه حرام
وخصامنا لبعض حرام
وفراق الأرض حرام
تفريط فى العرض حرام

يا رسول مبعوث .. واخذ فى الروح قدام
وبيفرح بينا ان كنا بنسعى لخير
وحنا لقدام
وبنسعى لحسن السير
وبنجرى على الأيتام
وبنرفض أى حرام فى حرام
مهما الأيام تعاندنا نقول
إن الستار ستار
واننا مش ممكن يوم هانفوت ع النار
علشان صادقين
ويانا أمين
حارس فى خطانا على الطرقات
علمنا ازاي نبقى الصلوات
وازاي هانصوم
عن كل الفعل ان كان مغلوط
خلانا نفوت .. من أى نيران
فضل القرآن وحديث
إزيك يا الله عنيك فوانيس شايه القرآن
إزيك .. إحنا لقينا معاك أعظم عنوان



بحضورك بالترىاق
بشعورك بالمحتاج
بشعورك بالإحراج لو شفت جعان
وما كانش فى جيبك نص رغيـف
بمرورك من غير سيف
بصمودك ضد الزور والزيـف
بوقوفك صامد ضد الكافر والتـيار
تصميمك ع المشورا تمشيـه
على قول قرآن لكل فصيح
طبطبتك دايمـا .. لما تقابل حد جريح
فى وقوفك ضد العاصى ..
و ضد الناسى و ضد الريح ..
لو كانت عفره وكافره وشوك
فى وقوفك ويا عباد ظلموك
ورموك بالطوب
فى طريقك لما تتوب ..
فى الليله كثير وكثير
فى وضوحك لوموجود مشاوير
فى عيونك لو بصيت ع الطير



وحمدت الله
الله الله الله
على أحمد سيد الكل وصاحب جاه
على حق فى كل مكان يلقاه
على سجده فى أرض النور بتطول
يا رسول يا رسول
العالم بعد لقاك بيقول
أنك قناديل الصبر ونهر الحكمة..
وبحر الضوء
بتهدى المؤمن لو مخنوق
عمرك ما قتلت أسير مأسور
وعشقت النور
وفضلت تنادى على التايهين جوه المشاوير
وبكيت مع آيه بتذكر فيك
تسلم للكون يا حبيبى عنيك
تسلم للدنيا ياروح الروح.. أكبر أستاذ
وطريق ممتاز
وفتاوى لا يمكن لحظة تزول ويا الأحاديث
للقلب ونيس



للروح يا حبيبي جليس
للكل فانوس بيقيد فى الليل
وحديث بيرد الروح يا حبيب
ويزيل السوء
عاشق فى الضوء مع كل هلال
بتجاوب مهما يكون يا حبيب ..
على أى سؤال
ولا يوم مليت ..
أبدا يا رسولنا من الأصحاب
وتدق الباب ..
الدقه بتوصل لنا نغم مسموع
وإيمان فى ضلوع
وحنان بيهدى النفس .. فى لحظة قيظ
إنسان وعزيز ع الكل وشمس حياه
الله الله الله
على إيد ممدوده بتحلب شاه
فيقسم نص حليبيها على الملايين
ع الدين لو كان معصوم
والدايس ع الزقوم





والواعى لشيء معلوم
والشافع للخطاء
والباصص دايماء ع الأخطاء..
مع بيت الداء
الله على قول عشاق عاشقين لقياء
الله الله الله
ع الأرض ان فرحت ..
لما بيمشى عليها فى يوم
على فرحة حتى النوم بلاقاه
على قوله آه من قلب طبيب
ياحبيب يا قريب
ع الباب كان ديب.. واقف بالسيف
وخرجت بدون مايشوف
ولاكان جواك الخوف
يا اللى انت لكل الناس قدام
وسجودك ويا الناس ع الرمله إمام
تمشى لقدام.. بالدعوه وكل الدنيا وراك
الله وياك ..
زارع فى طريقك نخلة حب وورد خشوع



عمرک یا حبیب الله ما شعرت بجوع
وشبعت لأن الآیه معاک
حارساک من رعشة خوف
حامیاک من کل جبان رعدید
جایبک ومعاک العید .. لاجل الأیتام
سایبک قدام کل .. إمام
الله یا حبیب الله لو ضلمه تشوف
أو یبقی حریر الصوف ..
علشان یصبح سجاجید
وهدوم للعید
الله لو یصبح ضیّ یزید ویكون فدان
وسطور قرآن
وحنان وإیمان فیضان .. علی أحلی شطوط
دایما بتکرر سیرة الموت
توعظ فی جمیع لناس ..
علشان الروح ترتاح
الحب سلاح ..
ضد اللى بیهدم م بیت الدین بإیدیہ
ضد اللى بیملی عنیه

بالحقد ونار الغيره.. وليل الخوف
الناس يا رسول الله في الساحة صفوف
من بعد ما كان الوضع قليل
يا رسول وتشد الحيل
في مواجهة ملحد أو بيهد في بيت معمور
تذكر في المولى .. وجوه عنيك دمعات
ولا واحد فات على بيتك.. إلا ماصلى عليك
تسلم للدنيا عنيك
تسلم للسكه الطاهره ضياك
يا حبيب الكون .. الكون وياك
والصحبه بتستناك
والجو مغيم غيمه بتنده ليك
علشان ماتنور لاجل لقاك
ويجينا هواك
يرعش شباك ووراه شباك
الله لو يبقى العاصى ملاك
والضلمه طبق بنور
الله على آيه انكتبت فوق السور
على ألف يمامة حب ..



وكل يمامه بتملك ألف جناح
علشان الناس ترتاح
بتغنى وتذكر إيمك جوه الزحمه..
بدون ما تخاف
الله على ألف صحابه لحاف
بتضلل فوقك..
لما الشمس بصهد تزيد
واما الله يريد
بنجيلك ألف جماعه.. عشان الليل ما يزول
والصمت يقول..
إنك يا حبيب الله مختار
إختار الآخره وساب الدنيا لناس تانيين
يارسول الحق.. مازال فى القلب حنين
وها يفضل طول العمر..
جرس بيصحى الناس
وهايفضل جوه الضلمه قمر وناس
وبحور إحساس
نزلها لحد الشط.. فى يوم ما يبان
ويكون إنقاذ

لك كل محبه .. ولك فى الروح إعزاز
والمسلم فاز..

بالجنه وأصبح سيد الكون
يا محمد كان الله فى العون
ساند خطاويننا فى ألف طريق مجنون
وواهبنا الزاد زواد
إعطانا نجوم أعياد

وعبايه لبنت يتيمه فى قلب السوق
وسلاح بيدوس السوء.. ويعلى النور
ويكون للناس قرآن وحديث
الله ع الصاحب لما يكون .

لرسول الحق صديق وجليس
الله على قدمك لما بتمشى بكل القوم
لطريق معلوم

تسجد من أول لحظه تقوم م النوم
الأرض يا طه (طريّه) ..

تحت جبينك .. تحت جبين القوم
إن نمت تشرف كلمة نوم
وان تصحى ..

بتجرى عليك الشمس تبوس فى عنيك
يايتيم وكريم وحمول
لو جالك وحى تقول
وتروح لخديجه تزل فىك
وتطبطب إيدها عليك تدفى يا حبيب
والبرد يسيب القلب تردد فى القرآن
تخرج من بعد ماتهدى لكل صحابك
وتبلغهم باللى أتاك
الناس بالنور تفرح وياك
نحضن فى الناس بحنان
تشعر بالفخر ..
لأن الله اختارك من ملايين
الناس بتردد بعد ماتقرى (أمين)
يلمسوا فى عبايتك
تضحك ليهم .. تحضن فيهم
ترجع ليهم .. لأجل عنيك ترتاح
وياك مفتاح الصبر وباب النور
بتبشر كل القوم ببنت الحور
والشرط يكون الفرد منظم فى التفكير



عمرک ما طلبت مدد من غیر
بتشاور يوم للطير
ينزل يرتاح على كتفك لحظه
ويرجع تانى ينام
وتصلی لكل حاجات الدنيا إمام
تفشی فی سلام القلب لكافر
لسه آذاه فی عنیک .. وتحب لقاءه
الله الله الله
على شجرة بتحنى فروعها لعبد الله
وتقول الله
على طير بيسبح بسم الله
على كل سحابه بتشتى فى عز الصيف
على نص رغيف محطوط للصيف
والزيت وياه
على درع رسول
مرهون مع شخص يهودى ..
لأن الدخل ضعيف
ولا كان فى جيوبك إلا فراغ
يشبه لدماغ الكفره عبید المال



عباد الصنم .. الأهطل والخرافات
لو صاحب مات .. بتكون أسرع انسان ..
فى دخولك .. صح عليه
وتغسل فيه .. تقرى القرآن
تمشى فى جنازته .. وتحضر دفنه
وعمرك يوم ما سهيت
ولا حتى نسيت تسديد الدين
يا أساس الحب لأعظم دين
علمت الناس .. إن الإسلام ..
عمره ما ينباع جوه الدكاكين
الدين فى قلوب الكل .. مبين
والفرد فى عهد الله بمتين
لو فيه كفار
الوحى بيجى إليك فى الغار ..
ترجع ملهوف
تحكى لخديجه بأن الله موجود
وبأنه لكل الناس بيجود
وبأنه خلاص .. هاخلى الخير بيسود
ويخلى الواحد بالقرآن مفرد



واحد وأحد وحكيم وعليم وودود
هو المعبود ولا رب سواه
الله الله الله
هو الذى هدانا بضىّ هداه
هو الذى بيّجىّ الناس ويميت
هو الذى يملئ البيت بأيات
وبيرزق دايمًا فى الذى يعيش
وبيرحم فى الأموات
وبيقدر .. قادر .. يملئ الكون تباشير
ورءوف وبشير يا حبيب الله..
والمولى مجير
هو الذى سندنا بدون .. مانقول
ورزقنا رسول
خائف على روحنا..
وحامى قلوبنا من الأندال
وما زال بيقول لبلال
ريحنا بأحلى أدان
وبأعلى نداء
ولا خاف أبدا أسماء





ولا خاف غدار
كثروا الكفار ..
ولا قدروا فى لحظه عليك
الله ولا له أولاد ..
ولا حتى يا طه شريك
م الشوك يحميك
فى الليل بحماه غطاك
من قبل أدان الديك
صحاك الفجر عشان يعطيك دايمًا حسنات
والكافر فات على بيتك بس الرب عماه
الله الله الله
على رعدة جسدك ..
أول مره تشوف جبريل
وندهت خديجه تزل فىك
وتطبطب إيدها عليك
وتقولك ربك عمره فى يوم
ماهاينسى رسوله فى يوم معهود
دا عهود ووعود
بينك يا حبيبى وبين السما والنور



لو حد يقول إنك مسحور
يغضب على قلبه المولى ويخسف بيه
الله على قلبك لما الوحي
الدافى فى يوم يقدر يناديه
دايما بتروح ع الغار ..
تستنى الوحي ييوس فى الروح
مليان يارسول الله بطموح
وبتدعى الله
يهد يلك مكه لحد رسالة الله ماتبان
عنوانك كان الحق وكان .. أشرف عنوان
يا رسول عدنان .. مستنى الفجر بيان
واهو بان على كل الكون والناس
أصبح معروف
ولا همه ظروف
ولا قال غير إنى هاكون للقلب ضياه
الله الله الله
على فرحة ضىّ الفجر ان يهدى الحال
أو يهدى فى كل الناس البال
الله على دمع عنيك الله .. نازل ع الشال



يعدل فى الشجر ان مال
ويصلح فى الأحوال
لؤلؤ بيزيد الكون مصابيح
ويجيب علشان أبواب الجنه نجوم ..
ويكون مفاتيح
يا رسول الله يا فصيح
يا مليح فى طريق معوج
يا صحيح بين الأمواج
بيزورك فوج ورا فوج ورا فوج
تصبح للعالم تاج
تمشى ع الأرض..
تئن الأرض بصوت مبجوح
م الخوف على قدمك م الأحجار
تنحنى أشجار السكه وتقطف ليك أزهار
وتحذر كل الناس م النار
تغريهم بالفردوس
وتدوس على ديل الأفعى تدوس
قدامك جيش خنازير وتيوس
خدامك .. طين الأرض ..





ومطر السما والكون
بتحب تكون فى العون
وتصاحب فى الأطفال
ينادوك يوم ماتفوت
تقطف ليهم فى التوت
وان حد يموت
تنزل فى دموعك تغسل فيه..
وتسمى عليه
وتشيله لحد القبر وماشى معاك أصحاب
الله ع الباب لو كان مفتوح
الله ع الحب ان كان مسموح
الله ع الدوا .. لو فيه مجروح
الله على صوت الحق ان كان ..
واضح لكل ومش مبجوح
الله على قلب طموح بالروح يوصل لمناه
الله الله الله
على أحمد لما أتانا بأعلى أدان
ويجزأمن القرآن
وبجيش مغوار



قادر على قتل الأفعى بدون ما يخاف
على قلب رقيق شفاف
بيدق ان شاف إنسان محروم
على فين العوم .. فى بحور وجدان
يا رسول إنسان
مازلت فى كل كيان ومكان
تعاليم مبعوثه من الرحمن
تشفى المجروح .. تسقى العطشان
وتداوى جريح الروح بالروح
حبك يا رسول الله مسموح
للعاشق والحيران
حبك فى كيان .. الدنيا حصان مطلق
وان زاد الشوق
بنجيلك .. نحضن نيلك .. نقرى عليك الفاتحه
ونرجع بعد الشوق
يفضل قلبنا ملهوف
لزيارتك تانى يا أغلى حبيب
الجرح يطيب وياك بهدوء
ويبان فى الروح الضوء



نبداً فى وضوء
 ونصلى معاك الفجر لحد الليل مايبان
 نتعلم م القرآن
 إزاي نرتاح لو شيلنا هموم الغير
 وإزاي نتعامل ويا الناس بضمير
 وإزاي الطير .. بيعود شبعان
 وإزاي الرزق ها ييجى لكل مكان
 وإزاي إنسان .. يسند إنسان
 وإزاي هانكون بالحب عباد الله
 الله الله الله
 على ساجد لسه فى ملك الله
 بيردد آيه عشان يرتاح
 الله على واحد راح لمناه
 الله الله الله
 على أحلى ركوع بخشوع وسجود
 على طير الحق ان كان يعود
 على خير بيسود بين المخاليق
 على آيه بتطفى نيران الضيق
 على قلب وكان فى الهم غريق



يا رسول الله يا صديق .. مليون إصرار
يسبقك الطير بثوانى..
يوسع لك السكه ان كان فى السكه عفار
يسندك المولى بنسمة نور
مش تايه أبدا .. ولا متكبر .. ولا مغرور
تعطى للناس الزاد بالدور
يا نظام .. فى نظام
وسلام بيطول حتى الأطفال
تمشى ع الأرض الأرض بتمشى معاك
فوقك ميت ألف ملاك وملاك
بيعيدوا معاك فى الآيه عشان ترتاح
عشان تحفضها بشكل مريح
يحفضها الكل وراك
ويردد فيها الطير فرحان
بحروف تشبه لنسيم
سيدنا محمد كان بيقوم
من نومه .. يقدم ألف تحيه لأهل البيت
ويقول ادعولى لأن الشر حيتان
والضلمه فى ليل كفار بركان

لكن تباشير الفجر خلاص هاتبان
أصحاب ف يوم عن يوم عن يوم
بيزيدوا ليلا تى ويبقوا طوفان
لكن أوقات م الحزن يقول
(باصحى من النوم قلقان
من خوفى على الأصحاب
أنا عمرى ماخفت دياب
ولا خفت الريح ترعش فى الباب
ولا عمرى آمنت بخوف موجود
ولا أى سراب زاي ف كداب
ويايا فى كل مكان الله
الله الله الله

على ناس ويايا فى كل مكان
على كل بيوت النور
مفتوحه عشان تسمع قرآن
على لقمه بتشبع كل القوم وتفيض
على جمع السود والبيض
ويايا على الطرقات
وأكيد جوه الغزوات



لو هاعلن حرب رهيبه على الكفار
إطلع يا نهار
إلمس فى خدود أصحابى وخلقى العزم حديد
والفكر جديد
ويايا كبار القوم
رايحين مع بعض مكان معلوم
عارفين البير وغطاه
الله الله الله
ع الدنيا الفانيه ..
لما تكون للعابد مش شاغلاه
على مكه حبيبتي وهى بتفتح لى الباب
وبتزرع فى اللباب
ويا خوفى من الكداب
من كل منافق طبعه لنيم)
سيدنا محمد قلبه كريم
مليان تكريم من كل الناس
حساس والكل معاه ماشيين
مليان بحنين إن الإسلام .. ع الكل يسود
ويعود الفجر ..



يومأتى يصحى الكل عشان يرتاح
بصلاه وصيام
وحاجات ماشيه لقدام
والحب فى ايدها سلاح
وانت يا رسول بالناس مرتاح
خليت المركب تبقى بميت مليون ملاح
الله يا نسيم فواح
الله يا هلال صдах .. يا رسول وإمام
الله يا رسول علام .. وسلام مبدور
الله ع الميه بتنزل من مضمضتك ..
لو تتحول نور
الله على كل حجاره السكه ..
لو تتحول ورد حرير وياك
الكل معاك أصبح خدام
وياك مش ليك
دا لأنك كنت لكل الناس خدام وصديق
ولأنك شايل هم العالم شيل
لو شيل بيمل .. بتحسن فيه
وتسمى عليه

يرجع لطبيعته الطاهره .. يصير معدول
يا أعز رسول
عاشق للمولى .. أسير لسماه
الله الله الله
على ضىّ البدر بيملى خدودك .. ما أحلاه
على طعم الشهد فى قلب حروفك لو تنعاد
الخير لو ساد .. والطير لو عاد
والقلب ان كان للحق يعود
ويفرح فى الأصحاب
هايعود أصحاب الدين أغراب
وغراب الحقد هايرجع تانى
ويحرق فى اللبلاب
وان غاب القط .. يلعب فار الخوف
ولا عمرك غيبت فى يوم يا رسول الله
ولا عمرك قلت لروحنا وداع
ومازلت بتفرد لينا شراع..
علشان مانتوب
ومازلت رسول بيمد دراع ..
علشان ماندوب



فى آيات الخير .. بعد المشاوير
قلبنا يرتاح تحت الأشجار
نرتاح من ليل غدار وشجار
وان خان الجار
تدعيه يعود ويهنى الدار
ولا كنت فى يوم محتار
دوست الكفار..
بالحق ودوست الليل بركوع
ولا عمرك قلت ضناني الجوع ..
واحترت معاه
الله الله الله
ع الفرد ان يصبح أمه
وهمه .. ودين .. وآيات
ع الكفر ان مات .. بإيدين أصحاب
على إيد النور لو دقت باب
أو زرعت ضوء
الله على طعام الخير الشوق
الله لو كان الجو يروق بين المجاميع
على حق لا يمكن يوم ها يضيع



ولا يوم هايموت
الضلمه تفوت
وتسيب ع السكه آثار
يمحيها رسول الله بأيات
ويقول للدنيا بأن الله موجود
وبأن القمر الغائب فى الظلمات..
لازم هايعود
ويسود الحق مابين مخاليق ..
ضاعت واتباعت فى التيار
وبأن الراحه خلاص هاتعود
للصاحب لو مخنوق فى الليل
أو كان محتار
وبأن النار .. مشتاقه لناس كفار
بيخونوا العهد وينسوا الله
الله الله الله
على دين المولى ان كان مطلق
على ضوء مالى الأركان
على صوت قرآن فى السما موجود
بيقول للناس ..





إن الطرقات محتاجه سجود
بيخلى الكل صديق ورفيق
ويزول الضيق م القلب..
بلمسة إيد.. أو نظرة عين
تمشى والرب معين
يا رسول الله فى شعاب .. مزروعه على الجنين
وحجاره بتفرح لما تبوس رجلك
وحمامه بتسرح لما تقابل ضى عينك
وتراب بينادى عليك..
علشان ماتدوسه بنور وحنان
حتى الأزهار بتشم شذاك
وبتمشى بكل عبيرها معاك
وبيجرى وراك الكون
علشان يتهنى بضى عينك
علشان مستنى قدومك ع الخلان
أول ماتبان
بيبان حواليك الورد..
بيان البدر.. بيان النور
الكون حواليك بيدور.. علشان يتبارك بيك





يشرب من ضىّ عنيك حواديث
وأيات بتخلّى البيت للكل براح
وازاى ترتاح
وجيوش كفار مالىين الكون
مع إن الله فى العون
قلقان علشان إنسان
علشان مليان ببحور أحاسيس
الله على أحدى صديق وجليس للروح
الله على أعلى ونيس بيروح
ويجيب علشان الناس حسنات
علمنا ازاي نعبد فى إله بالجود موجود
علمنا ازاي .. هانخلى الحق يسود
سيدنا رسول الله بيعود
والجيب مليان بالجود
والبدر معاه
الله الله الله
على سيدنا رسول الله
ساعة ما بيوصل للعشاق
البيت يوسع لو ضاق



تظهر أشواق الكل فى ضىّ عنيه
يحكيلهم عن جبريل
صلصلة الجرس الطاهر جوه الغار
وازاي الدار بتساعى كثير
وازاي الخير .. يتحول لاجل الكل جبال
إزاي الحال يا رسول الله
ممنون وسعيد
من فضل المولى عليك يا يتيم
عوضك الله ..
عن كل دقيقه قضيتها وحيد
عن كل طريق كان حاول يوم..
يجرح رجلك
عن أى دموع بانّت فى عنيك ..
من قول مغلوّط
عن ليل بيّفوت .. فى الليله سنين وسنين
عن ناس غادرين ..
عن ناس ظالمين .. عن ناس تايبين
وقريش الكارهه ما زالت طاعنه نداك
بتكذب فيك



وحزينه على الأصنام
وانت يا رسول الله قدام.. و وراك الناس
يامحيط إحساس ..
ومحيط ألحان لاجل الأطفال
ولا تملك أبدا مال وعقيق
لكنك تملك جاه مفرود
وركوع وسجود
وآيات بتهز جبال بحنين
صادق وأمين يا رسول الله
وشعاع لرفيق الرحله ان تاه
وأمانه يا عبد الله فى عنيك
وما زال الكون حواليك
مبهور برسالة حب بعثها المولى معاك
سبحان الله أسماك
أحمد ومحمد والمصطفى ..
وختام الوحي ونور النور
الله على آية نور
منقوشه فى ضى العين
ولا ساحر .. ولا مغرور



ولا ناطق إلا أمين
الوحى ساعات ..
بيكون على هيته رؤيا و شئ محسوس
وساعات بيكون ..!
حساس فى القلب نضيف
أو راجل يوصل ليك ويبلغ فيك
أو صوت لصليل أجراس ..
محسوسه لقلب أمين
أو وحى بشكل أكيد
أو زى ماكان ليلة المعراج
ساعة ما انقضت لنا صلاه
أول من آمن بيك يا حبيب هو الصديق
بعد ين عثمان .. وأبو طلحه ..
وسعد .. وناس أشراف
وخديجه شמוש الخير والنور
وأراضى الشوق والخير وسماه
الله الله الله
ع الصادق جوه حارات الكذب ومدن النار
ع العاين قمر الدعوه فى قلبه تلت سنوات

على قلب الصابر ..
لما يعانى فى مكه حاجات وحاجات
يا رسول من عند إله قادر .. رحمن
(إقرأ) وقرئت كل القرآن
وسعيت من أجل الدعوه تكون
دوست اللى يخون
وإرادتك كن فيكون
خليت الدنيا إيمان فى إيمان
وهجرت مدينة الحب عشان ترتاح
مع إنك كنت بتعشق مكه بشكل غريب
الله وياك يا حبيب
نجاك من جيش كفار
وحماك من قوم أشرار
واعطاك يا حبيبى وروحي قبول
وكلام مسئول
وطريق بركات بيطول ويطول
خليت الدنيا تنول حسنات
وتقول فى آيات
وتدور وياك جوه البساتين



الدين يارفيق القلب يسير
والدرب عسير
والناس محتاجه لشيء ..
يهدئها لكل طريق مامون
قلب الكفار مجنون
بيدوسوا على القرآن
يتمنوا يدوسوا عليك
ولا حد هايقدر لحظه يدوسك ..
وانت دليل وأصيل
ولا غيرك يقدر يطفى الليل ..
لو ليل بيطول
يا أعز رسول
محتاجه الروح لقياك
محتاج القلب دفاك
محتاجه السكه بنورك ..
تفضل قايدہ معاك
محتاجه الروح تلقاك ..
بتطهر فيها في كل مكان
وفي كل آوان



محتاجه الناس ..
أحاديثك لاجل تكون نبراس
وتكون إحساس
الله على صمتك لما يطول بين اللي معاك
الله على ألف ملاك ..
حارسين مشوراك م الخاينين
وبيمشوا وراك ..
ولا حتى ثواني الروح تنسأك
أو تسلي هواك
القله مازالت في الشباك
مليانه بفضل الله
الله الله الله
يا وتر حساس .. وجبال إحساس
طه وإمام الكون .. وشفيع الناس
مدثر .. خير مزمل .. جايب لنا كتاب
ورسول عدنان
مش شاعر أبدا ولا مسحور..
ولا غير إنسان
ماشى على أرض الكون قرآن



وبيان للناس
ماشى وكأنك نسمة صيف ..
مرشوشه فى كل مكان
بتطهر كل مكان
بحديثك والقرآن
يا بيان من رب الكون مكتوب
الله ماتركش فى قلبك أى ذنوب
مع إنك دائم الاستغفار
النار ..
بتخذر منها صاحب والمجروح
على فين ماتروح
الناس محتاجه لقاك
وبتستناك على باب مفتوح
أوقات بتكون فرحان بالبوح
وساعات بتعود للبيت مجروح ..
من أهل قريش
بتعد فى جيش ..
يفتح فى بلاد بتعد فى جيش
الكل مآمن بالقرآن ومآمن ببيك





وانت اللى مازال فى إيدىك العهد لكل غريب
يتحول أغلى حبيب
لا طعنت فى مره صليب
ولا حاول قلبك لحظه يشك فى شئ موجود
إخترت (ماريّا) تكون الزوجه الطاهره ..
وجابت ابن وحيد
الله ع الإيد فى الإيد
الله على فتح الباب دايمًا لغريب
الله على نار متقاده أمام البيت ..
بحثا عن ضيف
فى الشتا والصيف.. أجمل هندام
تعمل معروف للكل وتفشى سلام
وتكون خدام القوم
تحلم فى النوم
بدخولك كل العالم بالإسلام
بالدين رايح قدام
حامل فى سلام وعلام للكون
أنا قلت عليك ولا شاعر ولا مجنون
ولا غير مديون لله بكثير





عمرک ماتکون مديون للغير
دا لأن الله .. من بدء الدنيا رعاك
واعطاك التقوى بشكل حبيب
وحماك من بطن الديب
ورعاك رغم الأخطاء
لو تخرج .. يعمى عيون ..
كفار .. عايزين يأذوك
وان تدخل جوه البيت يحميك
ويخلى البدر عشاك جار
تجرى ع الجار لو جار
وترحب بالزوار
وتقول للكل (مراحب) ..
مهما يكون الكل غريب
لا نطقت العيب .. ولا كنت فى ليله حرام
ولا تهت فى أى طريق
ورقيق ورقيق ورقيق
بتحس بضيق لو شفت ضلام ..
أو ظلم لحد ضعيف
أو حد قوى .. أو شفت عتاه





أو ليل بيطول على قلب مريض
أو نيل مش راضى يفيض
أو حد عريض.. بيدوس على طول
أو شفت يتيم بيدور عن إحسان
أو طفله بتبحث عن عنوان
أو كلب جعان
أو نخله وفيها بلح عطشان
أو تسمع أنة جوع.. أو قوله آه
الله الله الله
الجالس مع جبريل فى حراء
على عبد الله
العارف بيت الداء ومداوى الروح
ولفين ما يروح.. الوحي معاه
ولفين ما يروح.. ربك وياه
الله الله الله
ع العالم لما يضيق ويضيق
لكنه بيبقى براح
لو شافك لحظه على الطرقات
وياك الحب آيات وآيات



بتخلى الحزن ثبات فى ثبات
وبتيجى بفرحه على الأطفال
تتبسم لما يجيلك طفل .. تقول سلامات
على بكره الجاى
تشرب كباية الشاى وتقوم ملهوف
على بيتك لاجل نجوم البيت وحشوك
ولا شفت أبوك ولا أمك يوم
بيهاجمك كل دقيقة البوم .. تسجد لله
الله الله الله

على قلب بيحلم بالقرآن
دا لأنه مناه
والقمر الأخضر يترجاه
يوهله الضوء
يا إيمان رافض فى السوء
وسلام على كل عباد المولى بدون تفريق
يا سعادته بتهمز نار الضيق
وبتسعد فى المخاليق
ريحتك بتقول للناس أنا جيت
الله على ريحة العنبر لما تفوح



من روح الروح
من أحلى جبين وخدود
من عابد عاشق فى المعبود
من عبد اختار الدين
ورفض فى جبال اللؤلؤ والألماظ
من عاشق فاز .. برضا الرحمن
نور القرآن سابح فى دماه
الله الله الله
ولفين ما يروح الروح شايله
والقلب معاه
الله الله الله
على أغلى رعوف
مش فظ وعمره ما كان فى الدنيا غليظ
العبد بيصبح لو يختاره .. من الأسياد
ضد الكفار .. ضد الإلحاد
والسكه بتفرح لو تلقاه
الله الله الله
على أحمد .. ماشى وجوه عيونه دموع
لو شاف صاحب بيجوع





أو شاف إنسان مخدوع
أو تايه بالأفكار العوجه مع الكفار
يدخل ع الدار .. تترعش الدار
توسع وتكون ميادين
ورغيف مفروود علشان ملايين
ويقول الدين .. محتاج لرجال
إدن يا بلال
ما خلاص قضينا (٣) سنوات ..
من غير ماتبان
إعلن فى رسالتك إهدى الناس بآيات قرآن
وبلاش الخوف
الدنيا خلاص هاتشوف
الحرب مابينا وبين الضلمه وبين العور
الحرب مابينا وبين الزور
الله يا رسول الحق..
ياسايب لينا حاجات وحاجات
وآيات وآيات
وحديث وكلام ولا زيه كلام
على جايب شرع الله ..





لعباد عابدين أصنام
على سايب خيره على الصفين
على ضل بيسبق صاحبه..
لاجل ما يفعل خير
على دقه بتسعد قلبه..
بدعوه كريمه ونور قناطير
على أعلى وأعلى كتاب
بيخلى الكون يطلع فى سماه
الله الله الله
على سيدنا محمد والأصحاب
الله الله الله
على فتحة باب فى الليل مقفول
على حرف رسول
كان قد القول
ومازال ومازال
ولا عمره فى يوم ينزال
بفضل نبراس
بيقول للكون
الله القادر كن فيكون





أنا سر الله
ورسول الله
والهارب من ملكوت الكفره لوادى حنيف
باهدى للدين من غير تزيف
من غير خرافات
باوهب للناس حسنات
وداكله بفضل المولى..
إله العالم والسموات
يا رسول الله..
الكون مفتوح لرسالتك .. قول
وانده يا رسول
على عقل قريش الغايب فى المجهول
إنده يا رسول وارعش فى الروح
يا هدايه لكل طريق مسفوح
ودليل للتايه فى الطرقات
تبكى لو صاحب عندك مات
وتزور أولاده .. تودى لبيته الزاد
وتزورهم فى الأعياد
يا محيط لحياء ولا زيه مثيل





يا دليل للصحبه ان ظهر الليل
مشوار الدعوه طويل و طويل
والدرب عسير
والقلب لا يمكن يبقى كسير
طول ما انت معاك الله
الله الله الله
ع العبد ان يبقى مبشر بالقرآن
ع النور السارى فى كل مكان
على آيه بتهدى وآيه بتوصف
شكل الجنه وشكل النار
المؤمن مؤمن عمره ماكان زى الكفار
ولا قلبه احتار
طول ما انت رسول الله
والحافظ شرع الله
طول ما انت هدايه لصاحب تاه
طول ما انت رايات العزه ..
ونور القادر ع الظالمين
طول ما انت شراع الخير للدين..
جوه الأمواج



طول ما انت التاج .. على كل جبين
طول مانت عيون التقوى ..
لخلق مازالت جوه حضيض
الفكر جديد
فرحوا الأحباب ويا الأصحاب
دخل الإسلام .. فتح الأبواب
فدخلنا بفضل المولى نقول (لبيك)
وهمسنا بحب يا طه إليك
إحنا وكتاب الله نفديك
من أى شيطان يعاديك
من أى جبان يأذيك
ونكون ملايين حو اليك
نمشى وياك .. ونشوف بعنيك "
على أعلى مكان كان واقف ديك
بيصحى الكل ..
عشان يرتاح بركوع وسجود
الله على نهر الجود ..
واله معبود
وحصاد موجود



وميلاد بيجود
و و داد بيعود
وإيمان بيسود
وملايكة جنود
وآيات بتزود
وجنود من صنع الله حارسين
الله يا حبيب القلب وضى العين
وإمام على كل نجوم الدنيا وشمس البوح
محتاجلك جدا.. أنا مجروح
محتاجلك .. شوقى إليك مسموح
محتاجلك أه يا حبيب الروح
وهاجيلك ماشى لحد مدينه الشوق
محتاجلك .. نفسى أدوق ..
من إيدك توته وجميزتين
يا أمين على كل خزاين..
أرض الطيبه مع الإخلاص
ولا قلت خلاص .. ولا يوم ملئت
يا نجوم البيت
والزاد لو زاد عن حاج القوم





محتاجلك أنا محروم
ومفيش ولا يوم ..
غير لما بنادى عليك يا إمام
وأكون خدام للى يحبوك
وأقول مبروك ..
لو شفت فى يوم عشاقك جوه ميدان
يا اللى الرحمن ذكرك يا حبيبى
فى آيه وأكثر م القرآن
دا لأنك ضل الله فى الأرض براح
يا حبيبى سماح
لو كنت هاغيب عنك وأتوه ..
فى زوايا الكون
يا اللى انت مازلت لكل الناس فى العون
بكلام من رب كريم وعظيم
لك كل سلام وكلام تعظيم
لك ألف صلاه وصلاه وصلاه
الله الله الله
أرسلك المولى عشان نرتاح..
على جسر إيمان



قرآن محفوظ
ماشى على أرض النور .. معطاء
وكريم على كل الناس ورءوف
عمرك ما شعرت فى يوم بالخوف
علشان محروس
ولا كان بيهمك أى فلوس
دا لأنك باصص ع الرحمن ..
هو اللى اعطاك
خلاك خاتم وشفيع
وهدايه لا يمكن يوم هاتضيع ..
جوه الأيام
دا لأنك لسه كلام موجود
وصلاه وركوع وسجود وخشوع
ونجوم مزروعه على الطرقات
الله يا آيات الصبر لقلب جريح
الله ع البلسم لما ببيجى عشان..
يتحدى الريح
ويدوس بإيمان كل التماسيح
ويقيد فى الليل كل المصابيح

ويصحى العالم ضىّ ضياه
الله الله الله
على صاحبى الراسم ع الطرقات ..
مصحف مليون بآيات ونجوم أحاديث
الله ع الحرف ان كان فوانيس..
أو كان مفاتيح
بتخلّى الكون م الفجر فسيح
والجو برغم الزحمة مريح
الله ع الماشى وكل آيات الدنيا ..
بتظهر جوه عنيه
كان لما بيمشى يميل النخل عليه
فيوشوش فيه سيّدنا محمد ..
بس النخل يوطى يبوس فى إيديه
يتبسم ليه ..
ويبص عليه بعيون الشوق والضوء والنور
النخل يقدم بلحه إليه
ياخذه ويقسم فيه ..
ويوزع فيه.. ويسمى عليه
ويعين لخديجه سبع بلحات قوت الأسبوع



لا يبشبع جدا ولا ييجوع
ولا يكره أبدا شئ موجود
ولا يعشق إلا كتاب الله والخير والزا
آه يا المختار .. آه يا الأعياد
مرسل من رب الكون
علشان الكون يوصل لمناه
الله الله الله
ع الصبر ان طال
أو نور معدول من بعد ما مال
وجمال الحال .. لو كان بإيمان
الله يا ميزان القول معدول
والصبر يطول على ناس ظالمين
ظالمينك يا اللى عنيك مصابيح
بتقيد للكل فى عصف الريح جوه الطرقات
وتملئ بتحزن ع الأموات ..
وتقول ارتاح
من تعب الدنيا وراح لاله قادر ومجير
بتحب الغير .. أكثر من حبك ليك
وبيطرى الشوك فى إيديك

وبيحلى القول
وياك يارسول الليل ييطول ويا القرآن
وحديثك قايد بالغفران
وهواك بيريح قلب الكل .. يا بدر عفيف
وياك النص رغيف .. بيفيض
السائل والمحروم
وبتقضى اليوم.. فى هدايه ناس
محتاجه هدايه بدون تهديد
محتاجه هدم العيد.. منك يا شفيع
محتاجه ربيع يهديها ورود
قدمت عهود ووعود للغير
تصبح يا حبيب الدنيا مصادر خير
وسحاب مطلق
بيمطر كل ما يلح أرض جفاف
قدمت بدون ماتخاف روحك فى سبيل الله
الله الله الله
على مادد إيدته بغصن زتون
على بدر فى ليل الكون موزون
على صابر مهما يكون الليل ..



ظالم غدار
لو حتى يقاسى من الكفار
لو هدوا الدار فى الليل
أو يأذوا الجار
الله على قلب رسول مغوار
ليل ويا نهار مشغول بالناس
يحميهم من وسواس خوان
تلقاهم الفجر فى كل مكان
بيقول ويقول
الله يا رسول مخلص وأمين
يا شفيع ملايين ملايين
ياربيع فى طريق مزرع أشواك
ولا شافت ابدا زيك عين
ولا زارنا رسول ابدا الاك
ولا كان غير طيف إنسان ملهوف
مش حاسس خوف من أي مكان
يتوضى .. رزاز الميه يكون مرجان
يستنشق منه القوم
الله على صاحب وحى شريف ..





علمنا العوم
وبعت للدنيا سلام وكلام
مليان بإيمان
خلى القرآن
ويا نانا فى كل مكان
نجانا بنوره من البهتان .. ومن الأكاذيب
خلانا بنرفض مهما يكون أخطاء الغيب
علمنا مبادئ كانت غايبه ..
فى وسط الزحمة .. وهبنا النور
أجمل دستور ع الأرض وأعلى دليل
قنديل بينور للتايهين
وحنين مطلق
خلانا ندوق البهجه فى كل مكان موجود
خلانا نعود للصبر على الموجود
ونعود للبيت صابرين
الله على قلب عروقه حنين
دقاته بتنده ع الصابرين
الله على صاحب بشر روحنا بجنه نور
وزرعنا زهور فوق الطرقات



كان لم يبدخل أى مكان
الكل يبص عليه .. الكل يبص عليه
ينهضوا علشان يبوسوه فى عنيه
الله بيصلى عليه
وملايكة كمان بتصلى عليه
الله من عرشه خلاص سماه
الله الله الله
على ضى
الله لو كان مسنود على شرع الله
أو كان مبعوث ..
من رب السما والأرض وكل الكون
يمشى سيدنا محمد ..
تحضن كل الأرض خطاه
الله الله الله
على راعى صبح فى الليل مصباح
على أغلى أمين
على حبه بشوق لخديجه برغم الموت
كان لما يفوت على بيت مقفول
ينفتح البيت



فيسلم دون ما يبص على السكان
متعلم دايماً القرآن
وإزاي يتعامل ويا جميع الناس
وإزاي يتحول جوه الزحمة قمر وناس
وإزاي يصبح إحساس فى قلوب عشاق
ولا فكر يوم فى فراق
كان هوالصاحب لو مشتاق
يسجد علشان الفجر بيان
ويقوم م السجده..
كأنه نسيم موصوف لاجل القلقان
وكأنه سحابة عطف بتشتى على العطشان
وكأنه شراع الرحمة ما بين أمواج
وكأنه التاج على كل جبين
الناس وياك صابرين
والناس وياك عارفين .. إنك مختار
بتلف بقلبك ليل ونهار
لهداية كل صفوف النار
باصص بعيونك ع الكفار
وبتدعى الله





يهددهم نفس هدايه الغير
يا رسول الخير ..
وقريش شايفاك بتمد إيديك لعبيد عارفاك
مخلص وأمين ورءوف ويتيم
تعظيم م الناس لو شافوا عنيك
بصه بحنان على مدد الشوف
ولا عمرك يوم حسيت الخوف
من كافر مهما بهيبه يكون
عمرك ماتنام أبدا مديون
ولا داين أبدا للأصحاب
كل اللى بياخد منك ..
عمرك يوم ماتطالبه بشئ
والنجمه فى كل طريق
والكلمه بحرف مضئ
والنسمه وطيرها رقيق .. جوه السموات
الرب بيوعد بالحسنات .. كل اللى يصون
ويعذب دايم فى اللى يخون ..
العهد لظه ويطعن فيه بكلام مغلوط
فهمت الناس ازاي القلب يموت





لو عاش غفلان
وازى الواحد بعد الموت هايفوت
ويعيش فى نعيم جوه الجنات
وازى الشخص يبان
وضميره نضيف مرتاح
الله لإيدك .. سلم مفتاح
الجنه وقالك بلغ عنى حاجات وحاجات
الناس لو حتى تعيش وتعيش
هما الأموات
ليه ماندورش على الحسنات
ومساعدة كل الناس فى حاجات
ليه مانصليش أخوات اخوات
ليه حد فى كل الدنيا يبان .. ظالم للغير
كان لما يشوف أسراب الطير
إيده تتمد فى جيبه ..
ويرمى القمح على الطرقات
علشان الطير
ينزل ويلقط حب فى كفك ..
جوه جيوبك ينظر لىك بحنان



كان لما الفجر يبان يلقاك سهران
مستنى عشان تسجد فى جموع
ويلاقى فى روحك صوت لأنين مشتاق مسموع
ويلاقى فى قلبك لسه دموع
مخلوطه بشوق وخضوع
ويلاقى القلب كتير وكثير يفكر فيه
قاعد والكل جلوس حواليه
بيبصوا عليه
وان بص لواحد يجرى بسرعه إليه
ويبوسه فى خده ..
ويرجع تانى مكانه بشوق
ع الأرض .. وروحه بتسبح فوق
مستنى لشيء؟
مستنى ملايكه تمهد ليه فى طريق
علشان يمشيه
المسك .. عرق فى إيديه
والدمعه فى رمش عنيه
ونجوم الليل بتبص عليه..
وتسمى عليه



ويروح .. فيروح الكل وراه
ماشى وإله الكون وياه ..
علشان يرحاه
إختاره ودونا عن ملايين الناس سماه
أحمد ومحمد والمختار
سماه مبعوث..
عدنان بيدوس كل الأصنام
يمشى بالناس قدام
ويكون خدام لیتيم وفقير
ومجير للكل بأیه من القرآن
جواه وجدان .. طاهر وعفيف
وف إیده رغيف مفروء لجعان .. یصبح شبعان
فی القلب جناين جوز وريحان
والبال مرتاح
فی الجيب مليون مفتاح
وطريقه شجر تفاح
الهدمه وحیده وكل دقیقه بیلبس لبس جدید
فی لقاء ببيان العید
بیان العید فی لقاء





الله الله الله
على خطوه تخلق الشمس تبان
على حرف بينطق فى القرآن
على شجر البان .. بين الطرقات
وآيات بتخلق الشر حنان
على دمة نور فى عيون كروان
على آهه بتخرج من وجدان
ساعة ما يبان فى الجو أدان
إدن يا بلال علشان ترتاح
الروح ويئون للفرح أوان
والقلب يلاقى فى ليله هناه
الله الله الله
ينطقها القلب فى لحظه ..
تقولها الروح وياه
وتغيب وتغيب ..
فى الغار وتعود عرقان
قرآن بتردد فيه .. قرآن
ولا عمرك مهما يكون تنساه
الله الله الله





على شمعہ عشان الناس بتقيد
على إيد دفيانه فى حضن الإيد
على عيد بيكون قبل المواعيد
على صوت مبجوح .. بيردد لسه (يس)
على كفر غراب الخوف و البين
على شهقة ناسللنور عاشقين
على سورة حب عن الصابرين
يا رءوف .. يا أمين .. يا كريم .. يا ياسين
يا نيران مفتوحه على الكافرين
يا حنان ولا بعده حنان موجود
يا سجود الفجر..
فى ليله برد فى ظلمه شديد
يا عواصف قادره تبيد
مشارك بالله وعنيد
الله على ضى قدوم السيد
ودخوله على القاعدين
فوق صدر حصيره فى حضن أمين
الله على شجر التوت والتين
الله على أحلى زتون





على شجر الماس والعون
على سر معاه مكنون
مكنون على سر معاه
الله الله الله
على قول بيطول
وكلام لرسول
وحروف بتقول
إن المعبود .. واحد.. ومفیش إلاه
الله الله الله
جمعت قلوب وقلوب وقلوب
والكل معاك بيتوب
والحق رفيق لضيائه
كان لما بيمشى بيمشى الجود فى خطاه
وتقول الناس وياه
الله الله الله
ع العايش ضل الله
والعاشق قل الله
والكل معاه بيقول الله
الله الله الله





وصل المختار
جايب فى رساله حب وشوق
إنسان أسرع م الضوء
وصل فى رسالته فى وقت قريب
أصبح لكل حبيب وصديق
كان ماشى فى ضل صحابه فى ألف طريق
بيردد إن الناس مش ناس
لو عبدوا بروحهم فى الأصنام
لو داسوا على الأيتام
واتحدوا كلام الله بعناد
لو قلب يقول
أنا أصلى نسييت الصلا والصوم
خيرك هايدوم يا رسول مسئول
عن روحنا ان حان الوقت.. لموت ورحيل
من غير قرآن ..
يتهد الحيل من غير فتواك
هاتموت الخيل جوه الطرقات
ولا يفضل لينا فى يوم حسنات
ولا يفضل شئ



انت اللى رسمت طريق الضى لكل الناس
وانت اللى هزمت شيطان خناس
وهمست لكل الناس فى حديث لازم ينداس
والخير ينباس

وان كناها نسعى لخير .. أو نور
لازم هانكون فى الكون أسياد
وها نوصل تانى لجنه حب فى أى ميعاد
ونخلى آيات الخير تتعاد

ونردد فيها لحد الموت
إزاي تمنع فى القوت ..

إزاي من أى جعان
إزاي نسمح بكلام لجبان
وازاي ننسى القرآن ..

ودا أصل حياتنا فى دنيا سراب
الله علمنا إزاي بإيمان .. هاندق الباب
وازاي هانعيش

كان ضدك جيش .. متسلح بالعدوان
وهزمته بصبرك والقرآن
غيرت خريطته بغزو شريف

وقسمت رغيـف الصبر على الواصلين
وهمست أمين .. لكتاب محفوظ
بشرت بجنه ربك للى يفوز
وندهت لكل الناس علشان تفهم معناه
ربك بيزيد فى ضياه
وبيغلى .. ما أغلاه
وبيغلى .. ما أعلاه
وبيحلى ما أحلاه
وما أحلى قعاد الصُـحبه معاه
كان لما بيمشى..
الشمس تضلل فوقه تراقب فيه
وان ظهر البرد..
بترمى شعاعها عليه لاجل تدفيه
كان أى قليل م الزاد يكفيه ..
كان حتى يفيض
الحصا لو شافه يكون سجاجيد
كان لما بيمشى
يهل هلال العيد ويبان قبل المواعيد
وتكون النجمه تلت نجمات

كان لما يبات فى مكان مخنوق .. بيوسع فيه ..
 السننى معاه يصبح فدان
 مع كل أدان
 يتوضى بدمع عنيه خوفاً م الله
 الله الله الله
 كان لما بيلمس فى الأشياء
 يتغير لونها ويصبح كونها حبيب
 ما نطقشى فى يوم العيب
 ولا كان (شتام) ولا كان (لعان)
 كان أقرب قلب بيلمس نور عرش الرحمن
 كان فعلا كان .. ومازال
 ساكن فى ضلوعنا وكل مكان
 حاسس أوجاعنا .. وعائش فينا دليل
 وان طال الليل .. نلقاه موجود .. نلقاه
 الله الله الله
 على (عيشه) وهى بتمشى وراه
 بعنيها وعاشقه لغاه
 الله على وقفه سيدنا رسول الله
 ع القبر فى دفن ضناه



الله الله الله
ع الود الدائم بينه وبين أصحابه وبين الكون
وسلامه على العاقلين
وسلامه على المجنون
وكلامه بيخرج صافى .. رقيق
الله على أحلى طريق .. على أغلى طريق
على (عمر) النور .. وعلى (الصديق)
وعلى السهران فى سريره عشان يفديه
ولا خاف من كل سيوف النار
الله على صمت الغار
عشان مايدارى عليه
الله والسبحه نجوم فى إيديه
والنور حواليه
أبو بكر معاه يحميه
مع إنه وحيد فى حماه
الله على نور ذات النطاقين
أسماء الجاييه عشانهم زاد
الله على خير الله لو زاد
وعلى (الرواد) بين المريدين



على شايلى هم الدين فى الروح
ومنين هاىروح
وياه الصحبه آلاف وآلاف
مع إنه ما خاف أبدا من شئ
الله على حلم الآخره
طريق مليان بإيمان
الله ع الخطوه ان كانت ميت فدان
على سيد القوم
يصحى من النوم ..
مشتاق للزحمه مع الخلان
يتدفى بآيه ان كان بردان
وان كان قلقان
بيردد آيه شريفه تطبطب فوقه
ويهدى .. ينام
شاكر مولاه
الله الله الله
على نعمه بتيجى مع الإسلام
على أحلى وأغلى كلام
على نهر وفاض



على أغلى ميلاد فى الدنيا لقلب أمين
سيد العارفين
وإمام كل العايزين فردوس
قادر بإيمانه يدوس..
فوق الأصنام
ويخلق فى السموات
كان هو ختام لحاجات وحاجات
يخرج كنسيم الفجر .. يبص الصبح عليه
ويسمى عليه بحروف ألماظ
لو واحد عاز يديه
وان واحد فاز لحظه يهنيه
ويمد إيديه ينجد ملهوف
ويزور كل الأصحاب فى البيت
يوصينا بروحنا مع الأرحام
ويروح على كل صديق محتاج
ماشى وعليه التاج
بتعظم ليه السما بسحابه تضلل فوقه
لحد ما يوصل فىن مايروح
ولفين ما يروح



الكون بيروح وياه

الله الله الله

ع البدر ان كان واضح فى الليل

على أيه.. نور بتشد الحيل

على روح بتقيد النور فى خصوم

ولحد اليوم ..

حافضين فى حروفك يا مختار

لا طمعنا ف يوم فى الجنة هناك

ولا خوفنا فى يوم من لهب نار

دا لأنك قلت يا كل عباد الله

كونوا الفاهمين فى نداه

كونوا الساعيين .. تتمنوا لقاه

هاتنولوا رضاه ودفاه وحماه

الله الله الله

على ألف جناح فوقك يا حبيب

على بلح النحل ان طاطى وبان لإيديك

على ضى عنيك وقت القرآن

على همس حنان لخديجه .. وبسمة شوق

طالع على فوق و واخذنا معاك



فى الغار .. مستنى ملاك
علشان يهمسك .. ويمليك
ويوصل ليك فى تحيه رب مجيد
مرعوشه الايد
والعرق البارد حط عليك
لكن فى الروح ..
النسمه الطاهره بتلمس فيك
وتطمئن قلبك ع اللى أتيك
يا رسول الكل يمام حواليك
تسلم للدنيا عنيك
قناديل بتطمئن فى الحيران
وأيات قرآن بتمسى عليك
وغصون البان ع السكه صفوف
من أول خطوه فارقت الخوف
ودخلت على الكارهين
إخترت الدين
ورفضت الدنيا بقلب جميل
ولا قلت لربك أبدا ليه
يا رسول محفوظ م المولى

وكل صفات القرآن فيه
ماشى ومعاك كل المسموح
ويبوس الكل بصوت مبوح
من كتر ما قال بالصوت قرآن
كان لما بيلمس شوك موجود
يتحول فجأه لغصن البان
وان بأن فى دقيقه..
بيجرى الكل ويمشى وراه
الله الله الله

على دمه عين ..
شايه فى آيات الله بحنين
على ندهة حب على المساكين
على آيه وجابها حبيب الروح جبريل
على صوت الليل .. مع سور الحق..
ودق الشوق ع الباب
على همس الحب مع الأحباب
على أغلى رسول
المطره ان جف الرزق بتبقى سيول
والقمره بتطلع حتى فى عز نهار

الله على دار .. مفتوحه لكل الناس
على جبل النور لو بقى إحساس
على صرخه شريفه..
بترعش فى الأنجاس
وتخلى الجرح يزول
الله يا رسول راجع م الغار
مش خايف أبدا م الكفار
مش شايف غير افواج الخير
يعطى اللى معاه دايمًا للغير
ويبات على سوره بتذكر فيه
الدمع محيط فى عنيه
من خشية رب رءوف
الكل صفوف قدامه فى إيدها سيوف
والدين معروف .. دين الإسلام
أحمد شلال الضى فى مكه ..
لحد ما أهل الشر هانوه
خلوه يهجرها لأعلى مدينه
مدينه .. فيوصل للعاشقين
مفتوحه بحب وشوق ..

أبواب الفجر البايں صوته لكل الناس
أحمد بببص تملئ فوق ويقول الله
الله الله الله

على عبد ببفرش لبنا عبائته ..
عشان نرتاح

وببغزل فى الأفراح الطاهره..
بشوق وحنين

وبروح على أعلى براق ..
ويزور القدس ..

يصلئ فى مسجد أقصى ..
بببارك فيه

وببشد رحاله لمكه يعود
وببجود ع العائز باللى معاه
الله الله الله

ع الحب ان كان براكين
والشوك لو صار رياحين
والقلب ان داب فى حنين
ورسول الحق ان بببئى أمين..
أمين بببب المخالئق



بيوسع أى مكان بيضيق
ويزيل الضيق من قلب جريح
الهادى النادى فصيح
والناس عارفاه
الله الله الله
واصل جبريل للغار
بيقول لرسوله الله
إن الكفار زائلين
وان الصادقين باقيين
والدين مش ممكن هائزول
دا بفضل رسول مبعوث من رب كريم
فى الضلمه شيطان الكفره رجيم
ودنى وأثيم
وإن القرآن تكريم ..
لرسول موجود
بيخلى الحق يسود
ويخلى الفجر يعود
الله ع الجود
ع الجود الله

الله الله الله
ماشى والكل وراه
بيردد كل آيات الحق بدون تحريف
بيكلف كل الناس بحاجات ..
من غير تكليف
وبدون ما يعلى الصوت
ويفوت على كل بيوت أصحابه
يبارك فى الأبواب
ويطمئن فى الأصحاب
ويطبطب ع الأطفال
ويقول الآيه ..
تطمئن قلب الخائف إن الله موجود
الله على نهر المنى والجود
لو يبقى بحور
على صاحب لما يدوس ع الزور..
ويدوس ع الخوف
ويخلى الدنيا بحب تشوف ..
فى الثانيه ٩ مرات
على أغلى آيات .. مبعوثه عشان نرتاح



على أحمد جاب مفتاح
لجميع أبواب الرزق ..
لحد ما قمنا نقول وياه
ع الصمت ان يصبح يوم براكين
على أحلى وأغلى أمين .. فى جميع الكون
فى جميع الكون
قلب الكفار مجنون
والطيش موجود
الله يا محيط الجود
وحدث ما بين البيض والسود
وصحابك والأنصار
وسندت الجار .. فى مدينه أمينه بتستناك
محتاجه هواك
ووصلت سمعت فى أحلى نشيد
الناقه هناك مأموره لحد ما قلت خلاص
ووصلت للبيت
حببت كل الواقفين ع السكه بيستنوك
حببت كل اللى حموك م الليل
ومن الكفار العور



والله مازيك نور
والله ماغيرك فتح الباب
والله ماكان قبلك أحباب
ولا بعدك أى رسول
والله ياطه ماشفنا سواك
ولاروحنا إلا معاك
ولا دوقنا وشوفنا نسيم الجنه غير وياك
والله ماخذنا سواك
لآيات العزه مع الأحاديث
والله ما كان للقلب جليس
غيرك يا حبيب الله
الله الله الله
ع الواصل والموصول
على ألف وألف رسول فى رسول
على بدء وصول الوحي لأعلى حبيب
ع الجنه ان كان مشوارها قريب
على ميه بتطفى لهيب العيب ..
علشان نرتاح
إداك الله مفتاح ..



لقلوبنا عشان تهواك
وفضل وياك
دا لحد نهاية الرحله .. لحد الدين ..
ما وصل للدنيا بحالها .. صبح نبراس
إرتاحت كل الناس بحديث
الله بقى لينا ونيس .. وكتاب مفتوح
وانت يا حبيب الروح
فى قلوبنا ليل ونهار
رغم الكفار الضلمه فى كل مكان
فى القلب آيات قرآن
ومازال عبد الرحمن .. حالف لكل ييوح
ويجيب للدنيا سناه وضياه
الله الله الله
كان كل الكون وضياه
كان لما يقول .. بنقول..
إن الرحمن موجود
بابه لو كان مقفول
بينادى على اللى يعود
كان ليل النار ها يسود



كان ليه .. ؟ دا ما زال
كان لما بيمشى..
بيسأل واحد واحد ع الأحوال
ويكون على مكه النور..
والحب وراحة البال
يهمس لبلال .. ريحنا كمان يا بلال
يطلع على سطح الحب..
ويعلن إن الضوء الطاهر آن
(ولا نفرح غير بلقاك)
يهمسها إليك كل اللى معاك
الكل سعيد وياك
مستنى قدومك طول الليل
قلبك فى الضلمه صبح قناديل
وأصيل فى غنايم بتقسمها بعدل شريف
عمرك ما قتلت اسير بالسيف
ولا عمرك يوم .. عليت الصوت
على صاحب.. حتى ان جادلك يوم بغباء
لك فى القرآن .. أجمل اسماء
ومعاك النجم بيمشى معاك ..



على فين ماتروح
الحب معاك مسموح
ونشاط وطموح بين العاشقين
وتقول يا أمين
(خليكوا لحد الليل ما يزول .. ويسود الدين
ونهايه الشوك يصبح رياحين .. ويعود الخير)
مشاوير يا رسول الله مشاوير
الرب مجير
ومعاك بيرفر ف كل الطير
ويهوى عليك لو يوم عرقان
يا رسول عدنان .. ورقيق وأصيل
بتشوفك .. تهدى الخيل .. وتحن إليك
والريح لو تقوى..
بترجع تانى وتبقى نسيم
عادل يا رسول الله وكريم ..
لو فيه تقسيم
وقاسيت وقاسيت .. والرب عليم
فى الغزو بتصبح أول واحد فى المجاميع
خايف لا الحق يضيع

وتحارب .. بس ملايكه ربك واقفه معاك
ونجوم الليل حارساك
الله على خدك .. زى النور .. بسام
ولا عمرك قلت كلام معسول
أبدا يارسول
ولا جيببت فى سيرة حد بشكل مهين
أبدا يا أمين
ولا قلت فلان خطأ
كان قولك كله دواء للداء
والرب ان شاء .. بتسلم نفسك للمقادير
مشاوير مشاوير مشاوير
والكافر لسه صرير .. مش شايف شئ
وياك الكل صديق
وياك الكل رقيق
وطريق المولى مازال موجود
محروس من رب كبير معبود
والكل معاك بالصلا فرحان
ساجد مع أحلى رسول عدنان
تفرح بفرحهم بيك يا رسول



الحب الصافي سيول وسيول
والليل لو شافك ضوء بيقول
وينول الصاحب لو فيه حسنه ..
عشر حسنات
وبيات الطير على كتفك..
ليلة دقك ع الأبواب
الباب يتمنى تدق كمان وكمان
واما بينفتح الباب
بتودى الوجه الطاهر ناحيه بعيد
تتأكد إن الصوت لصديق من أهل البيت
تسأله ع الحال
مليان بحياء وإباء وضمير
مليان إخلاص
وبنعطى كرامه لكل الناس
وبتوهب عمرك للمحتاج
بتقاوم فى الأمواج
تدخل بسفينتك رغم رياح الليل والخوف
وتشوف الناس .. عايزاك على طول
يارسول الحق يا أعظم قول

يا سيول المطره على الرياحين
من اللى ها يقدر تانى يقول ويعيد
مين اللى يحط الإيد فى الإيد ..
بعدك يا أمين
من اللى يخلى الليل بيعيش مع ألف هلال
وأدان لبلال
بستان متعطر بالأزهار
رغم الكفار مفتوح
وحياتك .. إنت حبيب الروح
وقاسينا عشان نرتاح
وضحت الصبح من الأخطاء
علمت القلب يهاجر دنيا أمان..
علشان فى أمان يلقي الترياق
علشان الداء .. يختفى ويا القرآن
الله على صوتك لما يبان فى القول
إنسان .. لكن مسئول
ويطول بكلامه سبع سموات
وأيات وأيات وأيات
ونبات نحلم بالتوبه.. ونرجع تانى ندوب

بعدين بنتوب
تتبسم لينا وتوعد قلب العائد بالغفران
يا رسول عدنان
أنا لسه فى عرضك ماشى بدون عنوان
أنا لسه بادور عن مفتاح للباب
أصحاب فى السكه ومش أصحاب
ودياب بتزوم
أصحى من النوم ..
على صوت الفجر أقوم ملهوف
يا حبيبى .. بس الخوف موجود
سيطر على روحى ..
وخلى القلب يبات قلقان
وذنوب فى ذنوب
وأتوب واقرالك أيه بتوصف فيك
واترجى عنيك ..
علشان ماتشوفنى فى يوم الحشر..
وتنده لى بصوت محفوظ
أنا نفسى أفوز برعاية الله
الله الله الله



ع الهادى وع المختار
الله ع القادر ع المشوار
ومعانا فى كل مكان
حامل قرآن الله فى الروح
والماشى وفين ما يروح
كل الأشياء حواليه ووراه
الله على أحلى عبايه وأحلى مليح
الله على إيدمدوده لكل جريح
يصبح فرحان
يصبح ملهوف على أغلى حديث ..
ومعاه قرآن
وتجيب للدنيا كيترو وكيترو
توهب فى اليُسر لقلب عسير
تتهجى الآيه بصوت مقبول
وتسيب الرايه على الأبواب
بتدوس على أى ضياع وخمول
وتسلم دايماع الأصحاب
تنصح أصحابك ليل ونهار..
بحديث مبروك

حتى الكفار حبوك عشقوك..
من غير ماتقول
الله يارسول .. الله يا إمام
الله يا يمام الجنة على الأشجار
صوتك أنهار من فضه ومن ألمانظ
وان جاز القول .. إنك مبعوث
من قبل الكون مايكون .. هانقول
يارسول التقوي .. وسند الكل ان مال الحال
إخترت الجنة بشوق مطلق..
ورفضت جبال أموال
وقبلت أدان لبال .. وبكيت وياه
الله الله الله
على جلسه .. خير .. من نبى عدنان
شایل بالروح قرآن محفوظ
بيفوز بمحبة كل الكون
بالصبر الواضح قلبه صبح معجون
ويكون فرحان بالناس
يهزم فى شيطان خناس
يتعامل بالإحساس والذوق

يبكى لو صادف طفل يتيم
ما يحبش قلب لنيم مغرور
لو شاف عصفور ع لسور
يهديه القمح ..
ويبعت ليه الميه زلال
ساير على سكه حلال
بيناجي القمر الدافى ..
فى ليل الخوف ع الدين
ويقول الناس لحديثه أمين
علشان عارفين
إنه المدثر .. والمزمل والمختار ..
الساكن جوه العين
ولمين الناس هاتروح
ومعاهم ألف هدايه من المختار
نجاهم جمر النار
وهداهم وصلوا الجنة ..
وقالوا فداك يارسول الله
الله الله الله
على قمر التقوى وبحر الشوق

على نهر الضوء
وشعاع الحب على الشطين
نورك يا امين.. مالى الاركان
الخطوه معاك فدان
والسوره بتملى السكه بزهر حنان
وبنور مبدور
الله يا امام وسلام وشفيع
وكلام من رب رءوف
عمر الأحاديث أبدا ماتضيع
طول ما احنا يا هادى صفوف و صفوف
والسكه مازالت نادهه علينا بصوت شفاف
يا ضفاف الجنه وشط بطير النور مرسوم
علمت الناس العوم
كلمت الشجر الواقف ليك بنظام
والعجز وبيت الداء
خليت الدنيا ضياء وشعاع
مديت فى دراع التقوى ..
بقيت إنسان جواه إنسان
وبقيت عدنان بين المخاليق

لو حاسس حد بضيق .. تعطيه ترياق
وان فاق بيفوق على قول الله
الله الله الله

على قلب بيسمع كل الخلق نداه
الله الله الله

يا اللى انت زرعت الفل
ساندت الكل وقمت وقفت ..
لنعش يهودى فى وسط الناس
وبقيت للصحبه هلال وناس
ماشى و وراك الناس ماشيين
رايحين على فين .. على باب الله
على بابك يا اللى شرا عك
جوه الروح مفروود
على مدد الشوف ..
شايفينك ألف هلال وهلال
وجلال ومفيش من بعده جلال
وبتسأل ع الأحوال
وبتزرع فينا الحب لكل الكون
برساله من الرحمن ممنون



الله بيقتك كن فتكون
نبراس الأمة فى عهد رهيب..
جواه أصنام
لون الأيام .. إتغير بيك
وصبحت لكل الدنيا شريك
ومساهم دايمًا فى الخيرات
ولا فات بالحب سواك
ولا غيرك جاب لقلوبنا هواك
ولا قلب الدنيا لغيرك مال
إنده لبلال .. خلىنا معاه نرتاح
تحلى الصلوات وياك وعليك
وتبان فى عنيك الدمعه ..
تجفف فيها بطرف الشال
إزى الحال يا رسول مبعوث إزى الحال
العالم مال
وان قال الكل عليك عدنان..
هايطول القول
يا أعز رسول مليان إخلاص
دقت أجراس الضوء لحماك ..



وحماية الله
الله الله الله
ع الحضرة فى حضنك جوه الليل
شايك يا دليل
على مدد الشوف
أوقات الخوف بياخذنى معاه
علشان فى القلب مازال زلات
نسيان بعض الصلوات
وساعات نسيان للنور
يا رسول بيدور..
على كل مكان لاجل يصحيه
العالم إيه اللى مخبيه
أوقات بيحاولوا يدوسوا كلامك با لأباطيل
وساعات بيحببوا الليل بالليل
وساعات بيحكوا فى حتى وجود الله
كفار بيعودا لكل مكان
بيبانوا فى كل أوان
وكان قريش عادت لكل بشكل جديد
أنا عارف إنك ألف ربيع وربيع ..



قبل المواعيد
وما زلت معاك عايش يا إمام
ولذلك تلقى حروفي عليك قدام
أنطق فى سلام .. تهدينى سلام
وتجبنى معاك نور القرآن
سددت ديون لجيران عايزين
وفضلت لحد قيامة الدنيا حنين
وإيمان بيزيد ويفيض
الله ياللى العيد
الله يا قدوم الفرحة ويوم النور
الله يا طبق بنور .. فى السما بيدور
الله يا عهد الحق فى أمر خطير
ولحد كسير من كتر الدين
تفكير تفكير تفكير
ومشاكل مالىه الروح
الدين فى المهد ما زال محتاج لعتاد
وقلوب الكفره عناد فى عناد
لكنك واثق إن المولى معاك
قادر يهديهم للإسلام

نار الجاهليه فى كل مكان
وف كل مكان ..
سيطروا على كل عقول القوم
صحيت يا رسول الله الناس م النوم
وشرحت الدين
وبقيت قرآن ..
بيصحى الكل ان طال النوم
وان طال النوم .. تفرح فى القوم
تنده فى القوم
إصحوا يا عباد الله
وحدوا فى الخالق واترجوه
يمكن يهديكم للجنات
يمكن يحميكم م الزلات
ويجيب حسنات .. للقلب ان كان ..
عاشين فى حماه
الله الله الله
على طه وهو أمام القبر .. بيبكى ضياه
وبيشكر نور مولاه .. وبيترجاه
يديله الصبر لأنه حزين



الله على صوت الدين
لو صحى فى يوم غافل حيران
الله على أحلى وأغلى أذان
لوجانا بصوت كروان
إدن يا بلال .. هز الأركان
صوتك بيهز ملوك الجان
وبيوصل لنا كأنه نيران زلزال
إدن يا بلال
وادخل لبيوتنا وروحنا
بيوتنا ما زالت والأبواب ..
مقفولة لحد الصمت ماساد
ولحد اليأس ما عاد
ولحد مانقص الزاد .. من كل بيوت القوم
وبقيننا يتامى .. وبيعنا عزال
إدن يا بلال
واشجيننا بصوت موجود وما زال ..
بيجيننا فى كل مكان وأذان
ويفوق فينا ان نمنا فى يوم
ويخفف فى الأحمال



إدن يا بلال
م الفجر لحد مانيجى ننام
إسلام .. إسلام .. إسلام
وسهر والكل ينام
وبتفشى سلام بيدوس الليل
يا رسول الله .. كنت القناديل ويا المصباح
إنقاد يا حبيبى لكل جريح ولكل دبيح
وفضلت تنادى علينا ..
لحد ماصبح الصوت مبجوح
الصوت مبجوح
وفضلت تقول للكل .. فضلت تبوح
وكثير .. كانت مشاوير
الخطوه فى نارها بميت مشوار
فى الرحله تعبت من الكفار
وقاسيت من ظلم نفوس عميان
مش قادره تقول الحرف الأول م القرآن
وأذوك .. وهانوك .. وخدوك ..
إلى حيث الجرح الدامى فى كل مكان
سبوك وهانوك بس القرآن

كان ألف حمايه لأهلك م الظالمين
بتطبطب لسه بكف حنين..
على قلب الناس..
لو طال الجرح وطال النوم
عرفت الناس .. الفرق مابين ..
ازهار على كفك .. والزقوم
علمت الناس العوم
فى بحور قرآن مبعوث
خلت الكل يدوس .. ديل الكفار
وصبحت عفار..
فى عنيهم فين ما يروحوا..
وفين ما يقولوا الزور
وفضلت تزور بيت المحتاج
الله يافصوص التاج فى آيات الله
الله الله الله
على عهد الله لو ماشى على الطرقات
ينده لصحابه سبع ندهات
يتبسم للأزهار والنور
ويشور أصحابه .. وياخذ رأى القوم

يصحى من النوم .. على حلم شريف
إن الأسلام ..

أصبح فى قلوب الكل أليف
وان المصابيح ..

هاتقيد بالحق فى كل مكان

الله ع المؤمن .. لو إنسان

على حق مسيره فى يوم هاييان

ويكون بنيان فى طريق أنوار

الله ع الدار ..

لو شافت سيدنا محمد قاعد بين عشاق

على حرف صبح للناس ترياق

على دايره على الكفار بتضييق

وبيوسع لنا طريق مكتوب

على ناس بتتوب ..

فى الليله سبع مرات

على نور حسنات ..

بينور وجه التاييب وبيرقيه

بحروف قرآن طاهره يدفيه

ويشجع فيه .. لو حارب فى الكفار



الله على زهره بقت أزهار
والدين لو يبقى فى ليله حنيف
الله على نور تشریف الله..
لرسول مبعوت
على نص القوت .. لو يبقى جبال
إدن يا بلال ..
ريح فى قلوبنا لأن الشر مازال
إدن يا بلال .. قول للأجيال
الدين هايعيش
دا لحد قيامة القوم مانقوم
ولحد ما كل الدنيا تعوم..
فى بحور إخلاص
إدن يا بلال واصرخ فى الناس ..
إصحوا يا نايمين
خلوا الأشواك تصبح بساتين
خلوا الإخلاص فى العالم يبقى قانون
العالم بالتعاليم مفتون
بس احنا نسينا ..
أساس الدعوة وروحنا بعيد



إدن يا بلال .. واهمس للكل ..
لابد تكون الإيد فى الإيد
نوصل بالنور قبل المواعيد
نلبس فى جديد
ونردد دايمًا فى القرآن
علشان الكل يعيش إنسان
علشان الفجر بيان بضياه ..
وهواه وسناه
الله الله الله
ع القول من قلب رسول
على طول السكه وعرض السكه ..
مع التايبين
على عبد أمين .. جانا بقرآن
وبأعلى بيان
الله على عبد الله
لو نادى لواحد تاه
واتهجى الأيه بدمع عيونه..
خوفا من مولاه
الله الله الله



على جمل الصحرا ..
لو نلقاه .. مغروز فى رمال
الله على أحلى وليد محفوظ فوق الغربال
الله ع الحال .. لو يصبح حال
ويخلى الليل قناديل
يا رسول عدنان طاهر وأصيل
بتدوس ع الليل .. مع إن الليل مليون غربان
وما زال تبعان بيرا قبك ليل ونهار
لازق فى عيونه عليك
وما زال بيرا قب لسه خطاك
السما وياك .. والأرض معاك
والروح شايفاك فدادين محصول
يارسول يارسول
قادر فى ثوانى بروحه ..
يطول كل السموات
ويخلى الأرض تبات ..
مشتاقه لخطوة شوق
يمشيها عليها لحد الضوء ما يبان
حطيت الكسوه على العريان



حطيت اللقمة فى بطن جعان
وسهرت مع القرآن
تناديننا لحد الصبح ماقالك قوم
محتاج للنوم
مع إن كثير م القوم
رافضينك لاجل قلوبهم لون..
الضحكه ولون الطين
رافضين الدين
وحزانه لموت أصنام
أبو طالب عمك آمن بيك مع خلق آلاف
ولا واحد منهم خاف من شئ
ما شيين فى طريق بالليل محفوف
ملعون الخوف.. لو نبدأ تانى هجوم
ملعون القوم .. لو خافوا العوم
والكل خرج وياك ..
فى حماية رب مجيد
الكل خرج قبل المواعيد
ولحد ما جابوا النصر لدين هاسود
ويعود ع الناس بالخير والجود



والفجر يعود
يا رسول الله .. الصلا مفروض
والصوم مفروض
ورعاية الجار .. فى آيات موجوده
بدون تحريف
ولا لمسك مره خريف فى خريف ..
يا شباب وضياء وشفاء على طول
متبسم للجايين يشوفوك
علشان يسمعوا منك قرآن ..
وياه أحاديث
الكل جليس ..
لضياك يا رسول محفوظ
بيفوز فى الغار ..
بآيات علشان .. يسقيها لكل الناس
الله يا قمر إحساس فى الليل ..
مع كل الناس بتقول
يا أعز رسول .. الكل ناداك
ونداك ع العالم .. ما أحلاه
الله الله الله



على بدر خلاص واضح معناه
على خاتم أى رسول فى الكون
على نور لو صوته حنون
يا رسول فى العون
الكون من أول فجر بيان ..
بيصلى عليك
ولا صلى عليك غير الطاهرين
ولا باس فى إيدك غير العاشقين
ولا بان لعنيك إلا المشتاق
كان قبلك .. قلب الكل حزين
ولا كان وياك إلا الأشواك
إلا العشاق العاشقه ضياك
ولا كان يارسول الحق فراق
ولا حتى طريق فى عيونك ضاق
ولا داق القلب الصافى الوافى مرار وضياع
كان قلبك لنا شراع مفرود
على شط الجود
يالئالى فى كل مكان بتعود ..
ومعاها صلاه



الله الله الله
ع البدر العالى ضياه
والخير لو يبقى محيط
قرآن مسموع .. وما زال البيت ..
مزروع أنوار
رغم الكفار حببت النور
وبقيت قرآن من فضل الله
وبقيت جدران للدين تحميه
وتعلى أساس التقوى .. بشوق ترقيه
تعطيه الحب ..
وتسهر لاجل الناس ماتنام
ياختام لكلام صحى النايمين
والله ما زلت فى ضى العين ..
وحبيب الروح
بتدواى ان شفت فى يوم مجروح
وتخلى الأيه لكل الناس
تصبح للعالم شئ مسموع
يا ببيان التقوى فى بيت الخير
والطير بيسبح لما يشوفك ..



جائى ملهوف
على مدد الشوف الضى بيان
شايلى فى شعاعه حروف قرآن
وحديث بيظهر قلب عليل
فاتح علشاننا الباب ع الباب
الله رجعوا الأحباب .. باسوا الأصحاب
والفايز جاب .. وياه حسنات
تحلى الصلوات يا حبيبى عليك
يا حبيبى عليك تحلى الصلوات
ونجيك حتى ان كان القلب كسير
توهبنا بشوق .. إكسير النور ..
النور .. وبحور الشوق
نطلع وياك على فوق تايبين
ونبض فى ضى عنيك يا رسول..
نلقاك مرسوم..
على كل سحاب القوم يا حبيب
بيقابلك ديب من بعد الديب
تهزم فى الكل يا نور العين
يا عفيف وأمين

ولا زيك أبدا شافت عين أبدا فى الكون
ولا زيك عون للناس لو عازت ليله العون
قلب المحزون يلقاتك وياه
الله الله الله
لو قلنا جمالك ما أحياه
لو قلنا حبيبك رب الكون ..
والكون وياه
لو قلنا خلاص الكون هايسود
ونعود يا حبيب .. يا طبيب .. يا قريب
يا هلال فى ليالى عباد عاشقين
بتدواى ان شفت فى يوم مجروح
يا شفيع وسراج ومنير وأمين
يا عماد الدين وأساس الدين
يا حنين الطفل لأمه وابوه
يا نذاك على كل رفاقك لو هاتتوه
يا آيات فى وجوه حافضه القرآن
الله يا أذان الفجر فى ليل مرتاح
الله يا فروع تفاح جوه البساتين
الله يا عماد الدين

وأساس الدين .. ورجوع الناس لله
الله الله الله
على دخلة طيفك ع القاعدين
يستنوا قدومك من ايام
على نور إسلام باين فى عنيك
الله يا حبيب الله
لو ورد يفتح جوه إيديك
ونسى عليك .. مع أول خطوه
وأول سنده حب لجزع النخله..
البائسه فى ضهرك بوسه شوق
الله على صوت أنتها..
وصوتها وهى بتفخر ببيك
الله على فرحة قومك ..
أيوه قدومك ليهم عيد
الله بتفك القيد .. من إيد العبد
بنبوسه .. وتوهب ليه فى البرد هدوم
يارحيم ع القوم
وشديد فى هجومك ع الكافرين
خليت الدين ..

يظهر بنجومه فى كل مكان
ويكون ألحان
بنصحى قلوب..
كل النايمين فى ضباب وتراب
وفتحت الباب لقلوب عايزاك
مأحلى أياتك .. ما أحلاك
ما أغلى صراطك .. ما أغلاك
كان ألف وألف ملاك ..
بيحاربوا معاك
وبيستناك الفجر عشان تسجد وياه
الله الله الله
على فجر عشقنا ضياه وسناه..
وياك يا يтим
الرب عليم .. جابك كبشير ..
ومعلم دايمًا للاجيال
وبتسال عن الأحوال
وتزق الليل لو طال
وبتأمر بالتوحيد
ولا كنت وحيد.. كان نور الله حواليك موجود



وتعود للبيت .. تعبان م الشيل
من ليل مليان غريان السوء
من حيل مهدود ..
من قسوه رهيبه من الكفار
وعفار على كل هدومك .. جوه عنك
وجراح محفوره بنار فى إيدك
تتوضى وتحكى لقلب خديجه..
ازاى جرحوك
جرحوك وازاى فى الليل طاردوك
وازاى عاندوك
تنزل دمعاتك .. ترعش توبك ..
تاكل لقمه ..
بسيطة تنام مرتاح
تستنى صباح يا حبيبى جديد
علشان الدعوه ..
خلاص محتاجه لوقت طويل
تخرج من بابك تلقى القوم واقفين
بيوسوا عبايتك وباركوك
توصل لمكان علشان مانقول الله يا رسول



تجلس فى المجلس..
شئ من عند الرب مُهاب
فاتح أبواب الجنة لناس..
فى الليل ساندك
وبتحرص فيك وتصلى وراك
وبتزرع ليك السكه سبع نخلات
وتبات على بابك خوفا م الكفار
مع إن حراستك م الرحمن
مع إن (فراستك) كانت منحه من الديان
مع إنك أعلى رسول عدنان
مع إنك أحلى مكان موجود
عنوان الجود .. والكرم الزايد..
والغفران اللا ممدود
مع إنك بالقرآن موعود
والنور الدافى فى أعظم غار
خليت الظلم معاك ينهار
والخير يصبح أنهار
والدنيا تفيض بالخير والزاد
لفيت يا حبيبى بلاد وبلاد

ورجعت معاك تعاليم الله
الله الله الله
بيشوفك قمر الكون يتبسم لو يلقاك
ساجد على أرض الخير لله
ويبعت كل ضياه ..
لخدودك لاجل تبشر كل الناس ..
بالجنه .. وبالحسنات
تفرض كل الصلوات .. من بعد ماجيت..
من رحله مع الإسراء
احمد .. أحلى الأسماء
أحمد أغلى الأسماء
ولا داء فى الكون .. إلا الإلحاد
الخير بقدومك زاد
والزاد أصبح قناطر
مشاوير.. مشاوير .. مشاوير
ورسول الخير ..
فرحان بوصول الدعوه لكل مكان
يارسول عدنان مليان إحساس
الناس سامعك شايفاك يا حبيب

بتحذر كل الناس م العيب
وبتنده لينا بعلو الصوت
إحترسوا .. جميع الناس فى إيديه
لازم لو حتى ها نصبح إيه ..
نبقى فاهمين الكون
ما نكونشى كلام مدهون ..
بالكذب وبالتزييف
الكل لابد يكون إنسان .. مؤمن وشريف
يقسم فى رغيص الصبر ما بينه وبين حيران
أنا وانت يا طه الحب جيران
حافضين قرآن التقوى وروحنا نسيم
والرب عليم .. بالقلب وبا لأحوال
من إمتى وجوه قلوبنا بلال
بيصحى الروح من نوم بيطول
وبيذكر أغلى رسول
أصلك يا حبيب الكون مسئول ..
عن كل الناس الجاييه كتاب مليان قرآن
دوست البهتان
وسعيت إن احنا نكون فى أمان

الدين محتاج جدران
وببيان الخير مقفوله .. وبحر الصبر مُهان
وان هان الدين على بعض الناس ..
يتهان قلب الإنسان
تقرى القرآن ..
يترعش الكون والسما والأرض..
وسطح البيت
يترعش الطير فوق الأشجار
والغصن مع الأزهار
تترعش النسمة مع الأغصان
ويبان الدمع فى نين عيون البدر..
وكل نجوم الروح
تتمد عيونك تانى .. تطبطب ع المجروح
ترقى اللى يعوز يرتاح
تتكلم .. كل الدنيا سكوت
نسمع (نهنية) الناس بهدوء
تسرج قناديل الشوق فى لقاءك
ويدوب الكل معاك
تمشى .. فتحن السما لقدمك ..

تبعث ألف سحابه تكون وياك
تحنى أشجا الحب فى لحظة نومك ..
تحت النخله .. وتسهر ليك
الدمع محيط فى عنيك .. على حال الكون
كافر مجنون .. يبعذب ألف وألف بلال
وصديق بيصون العهد ويفرح بياك
يفديك بعنيه
مفروده إيديه .. يفكر فيك
تسلم للدنيا عنيك
تسلم للسكه خطاك يا رسول
تسلم للدنيا جبال القول
عن جنه بعرض وطول
عن ألف طريق بيطول
وياك يا رسول الحق .. ودنيا براح
وياك مفتاح الحب لكل الناس
وياك إحساس .. ربانى ..
مفيش من بعده وقبله شعور
وياك جبريل .. بيوضح ليك ..
كل المسموح ويا المحذور

وياك عصفور التقوى بيشرح كل ما فيك
 ويفسر ليك ..
 الحرف بحرف من القرآن
 علشان فى الضلمه تبان
 لعباد مش شايفه فى ألف طريق ..
 غير الأصنام
 مخدوم م الكل يا سيد الناس ..
 لكنك لاجل الكون خدام
 وإمام على فوج التقوى وجمع غفير
 تعزف فى نفير التوبه الكل يتوب
 بتسلم للمكتوب وتقوم
 علشان الناس فى الحب تدوب
 وهبوب الريح ..
 بينام لو شافك ماشى يا طه ..
 فى أى طريق
 لكل بقيت يا حبيبى صديق
 وبريق ببيان جوه الظلمات
 ماشى والصحبه آيات وآيات
 وتبات مهموم



من قوم واقفين لك ع الأبواب
البعض معاك ..
والبعض يا طه بيتحداك
وانت المبعوث من رب رحيم
خارج وعنيك ..
باين فى دموعها شعاع تقواك
توصل بنداك .. لهنالك .. وهناك ..
حيث الكافرين
يقولولك دين الله مرفوض
والرب خلاص موجود ..
فى صنم ومعاه جيش الأصنام
الله يا رسول ..
فى بحور الصبر صبح عوام
وتفوت أعوام ..
ومازلت بتشرح شرع الله وأيات الله
وبتصبح لاجل الباقي إمام
إسلام .. يا حبيب الروح بيسود
وتعود فى عيونك ألف نهار
وان قلت الجنه وقلت النار



الكل يكون واقف محتار ..
 يرضيك ازاي
 ومشاكل كل الدنيا معاك ..
 بتدور قدامك ..
 ترفع قامتك فوق
 من بعد الضلمه ببيجي الضوء..
 والنسمه بتبحث عنك ..
 تهدي ان كان لقياك
 الأرض بتمشى معاك والسما حارساك
 والشمس بتبقى حرير
 لو تعرق منها ان كان الصهد شديد
 فى الحزن ببيجي العيد من قبل العيد
 عمرك ماخلفت فى يوم مواعيد
 ولا قلت حرام
 ولا كلت فى يوم ..
 من تل (غنايم) مهما تزيد
 وشديد .. ورقيق .. ورقيق وشديد
 الناس أسياد.. والكل عبيد قدام الله
 الله الله الله

على طه مبشر بالجنات .. شاهد ونذير
بتوضيح لاجل الناس أسرار
خرجت الناس م النار للنور
رحمه ومهداه لاجل العالمين
الله يا أمين
علمت الناس الحكمة بقلب شريف
من بعد ما عاند فيهم أسود ليل ..
وضلال ومرار ورياح
خلت الكون يرتاح
الإسوة الحسنه وذكر الله ..
هما النبراس
علشان الناس وياك تنصان
الله يا حبيبى على القرآن
من بدء نزول جبريل للغار
الله ع الفرق ما بين الجنة وبين النار
على كل صديق للتقوى حريص
وجليس للصاحب لو هايدوب ..
فى آيات رحمن
يارءوف .. يارحيم

لك كل معانى الشوق والنور ..
ويا التفخيم
ينبوع الذوق.. وها قلبك إيه ؟
الله رفعت على فوق ؟
ذكرك بقى جوه العالم ضوء
يا سراج ومنير على أرض حلال
خليت النور يصبح بأصول
يا اعز رسول
للطهر .. بقيت أعظم ينبوع
للمجد بقيت عنوان وخضوع
للأصل .. بقيت مبدأ موجود
يا أساس الجود
يا ربيع أنوار للدار بيعود
أصبحت النور الأسمى فى شرع الكون
ولا عمرك ليله شاركت ..
فى أى هزار ومجون
ترعى الأغنام
تحرسها إن صاحب مال هاينام
حسيت بالنوم .. ليله ما خدوك ..



على سهره عشان يفرحوا وياك
المولى رعاك
من شرب الخمره ..
ولعب الميسر والاختاء
ياخصال مذكوره وحلم جميل
وتواضع بين الكل أصيل
والعدل طريقك .. ويا الصبر ويا الجود
يا إيمان موجود
وها يفضل بين الناس موجود
على طول نلقاه
الله الله الله
على نور البدر فى ليل الليل وبهاه
الله على سجدة شوق قدام محراب
النور غلاب
والسور حاضن عصفور
ولا كنت فى يوم ابدا مغرور
دا لانتك عبد الله
وضياء الله
وكلام الله

ولأنك فرد ما بين أفراد .. لكن مجموع
نايم فى خضوع .. قايم فى خضوع
وخشوع القلب بيان لجموع .. ملهوفه بتستناك
ماشى وعيون الله حارساك
وملا يكه نور بتعد خطاك
بتسبح كل الكون بيسبح قلبه وراك
وبيحضن فيك جبريل فى الغار
واقف محتار
ليه الرحمن لضياك اختار
علشان ما يشيل أعظم قرآن
والغار بيخيم فوقه بصوتك صمت غريب
الله يا حبيب فى خروجك ..
داخل قلبك آيه ..
ودايرة خوف مليانه هدوء
خارج بشروق الروح ..
من بعد غروب منبوذ
تهدى اللى يعوز
وتساند فى المهزوز
وتسددين .. لو تقدر للمديون

وكلامك.. عمره ما كان مدهون
ولا كان مسنون لاجل الكافرين
كان حرف يشبه نسمة شوق
بيودى القلب ان يسمع فوق
ويطمئن كل عباد الله
لو قالوا الله
الله الله الله
على ضيك ..
وقت الضلمه ماتفرض روحها..
بقسوه على الطرقات
على صوتك..
وانت ما بين النخل بتشرح للقاعدين..
الايه وكل أصول الدين
على بوس الناس ..
لخدودك بعد ما شيلت إيديك
على رحمة بتنزل من مولاك
وتطمئن فى القاعدين
ينتشر الدين بين الأموات
تسمع فى جميع الدنيا آيات

ونشوفك ماشى ما بين الناس ..
قمر الإحساس والنور والخير
يسجد وياك الطير بحنان فوق الأشجار
ويدراى عليك لو فيه كفار ..
بيعدوا العده يدوسوا ضياك
الله وياك يارسول ممدوده إيديه لله
علشان بنجوم النور يرعاه
يفضل وياه
فى الرحله لأن الليل مفروء
علشان ما يعود للبيت نشوان
إنسان فرحان ..
إنه مع كل الناس إنسان
سيرته بتعطر كل مكان
وهواه بيهز ببيان الكون
مفتون بالناس حواليه صامدين
فادرين فى إيدى ..
التقوى مع الرياحين
صاحب لليتما .. ومخلص جدا للمساكين
ولا تقدر تنهر سائل يوم



ولا تظلم حد من الظالمين
لو ظلمك حتى بكلمه حرام
والناس بتقول وتعيد يا رسول
عن ضى سنأك
لو قالوا ملاك
القول هايقول أكثر بكثير
لو قالو أمير ..
بترد لا يمكن أصبح غير إنسان
أو فرد فى نص القوم
والفرد بيصبح ألف ..
لحد ما يبقى معاك ملايين
قائد ومنظم جدا .. لك م المولى أساس
والكل يقول إعجاز
ويقولوا سحرنا لقاءه
الله الله الله
حتى الأعداء
وصفوك بالصدق..
وشهدوا بأنك شخص أمين
جمعت الناس ..

علشان تعلنها على الملايين
أنا ليكوا رسول ..
مرسل من رب حكيم وعليم
هل أنا كذاب .. نطقوا يا رسول
عمرك مابقيت أبدا كذاب
طول عمرك صادق .. شهم .. أمين
ومشيت يا رسول الله مرتاح ..
لكن قلقان
وياك قرآن من رب مجير
وياك إحساس وأمل وضمير
وياك الليل بيدارى عليك ..
من ناس ظالمين
ومشيت فى القلب الصافى حنين
بيغنى الطير لقدوم خطاويك
والنخل الدافى بيفرح بيك
وملايكة كتير واقفين حواليك
ولا كان للرب شريك فى عنيك
يا رسول محفوظ
بتفوز بالآف والآف والآف



ربك وصاك ما تخاف مخلوق
وان مره صحيت قلبك مخلوق
بتروح ع الغار
وتقول للصاحب مهما يكون
الله بلغني وقال يا رسول
(هاوصيك بالجار
والصدق الصافي مع السائلين
إنده بحنين ..
على كل أهالي النور يا حبيب
أنا باعتك لاجل الكل طبيب
وقريب للسائل والمحروم)
وتقوم من مجلس زحمه ..
تروح على جار تعبان
تداويه بالأيه من القرآن
بعدين ترقيه
فيمد إيديه برغيف العيش
تقسمه على زحمه بتشبه جيش
يشبعوا وياك
مع ألف وألف وألف ملاك



بيقولوا الأيه يا طه معاك
يا نبى الله ..
ورسول الله .. وحماية الكون
ولا شاعر أبدا .. ولا ممسوس
بتدوس على أى صنم تلقاه
الله الله الله
على طه الواضح كل نداه
على مصحف طاهر لسه هايبدأ ما أحلاه
الله الله الله
وما زلت قانون فى الدنيا بنمشى عليه
تتحرك خطوه..
يشب حصان الصبر يدور حواليك
ويقولك إركب ..
تركب .. يمشى الركب معاك
وتحيى عداك ما يردوا عليك
تفشى فى سلام الله وتنول ..
فى الخطوه جبال حسنات
ترجع لحراء .. تبكى لله ..
لو آخر وحيه عليك



تسجد لله يدك قرآن ..
وحدیث و بیان و کیان
یعطیک الصبر وحب الغير
یدیک عطف العصافیر
على طفل بیسقى ولادها بفرحه و شوق
یعطیک الذوق و الحب .. و ضی حبيب
تهمس بحنان
إن الاسلام فی نهاية الرحله هایبقى غریب
واللی ها یتمسک بیه
هایحس بجمرة نار فی یدیه
وان الایام ..
هاتجیب الصعب لناس مش ناس
عایشین من غیر إحساس
قاتلین الجار بصدود و عناد
شایلین الخنجر تحت هدوم الشر ..
وتحت عبایة الزور
جارحین الغير بغرور و آلام
وإن الایام ..
هاتجیب النار للجار السوء



والناس السوء
واللى يبيع فى السوق
واللى ينباع فى السوق
والظالم والغدار
إن الأيام
مش ممكن تصفى لغير إنسان
إنسان حامل قران
مؤمن والقلب محيط لإيمان
رافض فى الزور ويا البهتان
بيحب الكل ..
لأن الكل لا بد يكون وياه
الله الله الله
على قولك لنا بفضل الله
على قومتك نص الليل قلقان ..
والكل ينام
حامل فى هموم كل الايتام
يتوصى الكل عليهم زى ما قال الله
ويتبعت خيرك تسعد بيه ..
أرمله أو طفله بدون عكاز



يا حبيب الله .. ليك الإعزاز ..
والحب وكل جميل
إنسان وأصيل ..
وخليل لكل وصاحب كل صديق
بتزيل من قلب الناس الضيق
وبتشرح لنا معانى بصوت مجروح
من كتر ما قلت وقلت من القرآن
يعلى البنيان وياك ..
يوصل لسحاب السما ..
ويطول النجمه .. تبص عليه
تلقى اللى يحبك ساكن فيه
فتبارك ليه ..
على إنه وصل لله ونجوم الخير
يا مجير من بعد الله القادر والرحمن
على قلب احتاج للغير
وان شفت فى لحظه يا طه أسير
بتحرر فيه
وتنادى عليه ..
يدخل فى حمايتك للإسلام



يا كلام مسموع
 ولحد قيامة الكون هايكون ..
 دايمًا مسموع
 نذكر فى الله وياك بخضوع
 تسبح فى خشوع لو يوم نلقاتك
 بتنادى علينا وتزرع فىنا حديث محفوظ
 بالجنه نفوز .. رغم الأخطاء
 توهبنا بحور ترياق للداء
 وتسمى علينا يا أشرف عون
 وبتشرح لنا ازاي ما يهون..
 القلب ان حتى يدوسه الضيق
 وازاي ازاي .. نصبح شمسايه فى كل طريق
 تصبح كرامتنا أساس لحياه
 الله الله الله
 على نورك ناوى تروح للناس
 علشان وحشوك
 من بره يا طه نادوك ولقوك
 تلبس فى عبايتك . كل القوم بيقوم
 يلمس فى عبايتك لاجل ينام مرتاح



أنفاسك تبقى عبير تفاح
وزهور مالها ش فى الدنيا مثيل
تتنفس كل الدنيا فى لحظة شوق..
من نور أنفاسك تجرى عليك
الطير يرتاح فى إيديك
وينام الطفل الباكى ..
ويمسح دمه فى توبك..
يصبح كتفك قارب نور
وتزول م القلب الآه
الله الله الله
على سيدنا رسول الله
كان لما بينده صاحب
يبكى الصاحب من فرحته بنداه
يخرج ..
فتبص نجوم السما..
على حسنه وتحسد فيه
قمر الغفران يناجيه
وينادى عليه
وتطل سحابه على الخدين

تلمس فى رموشه .. لحد ما تشبع نور
الله على أرض رقيقه وكانت بور
بيدور سيدنا رسول الله ..
على كل أصحابه ..
ويحضن فيهم بيت ورا بيت
ويقول حبيت .. الصلا والصوم
والعطر وكل حلال
حبيت عثمان .. وعمر وبلال
حبيت ابو بكر .. وضى خديجه وعيشه
وقلب إمام الكون
حبيت أفضل فى العون للناس
وأكون نبراس .. على مدد الشوف
عمرك يا رسول الله ماشعرت بخوف
ولا كنت لجاه أبدا ملهوف
ولا همك غير ..
توصل لأراضى الكون وتسود
مع إن الليل مليان برعود
والناس مليانه جحود ودمار
كفار بيسودوا فى كل مكان

ماليين كل الأركان ..
أكاذيب مع عيب وخواء
أسماء بتهز الكون .. دخلوا الإسلام
صبحوا من فضل الله قدام كل المخاليق
يارسول الله يا طريق ممدود
يا إيمان ومالهش حدود .. مالى السموات
كنز الغفران .. بحر الحسنات
وان فات ع الأرض تغنى الأرض معاه
الله الله الله
الرحمه يا رحمه قانون
والزحمه تكون حوالبك ملايين
بتساعى الكل يا كل .. يا كل الناس
الله يعطيك .. فى الضلمه قمر وناس
يعطيك أهرام الماس يا حبيب ..
آية غفران
يا أغلى وأعلى من البنيان
يا مكان مش ممكن يصبح زيه مكان
الدين من بعد سنين الهجره صبح رهوان
وانفتح الباب



على كل زوايا الكون يا حبيب
وبتظهر لسه جراح وجراح
وبترجع تانى جراح بتطيب
يا أعز طبيب
طهرت الكون من ناس أنجاس
وصبحت حماس
فى قلوب بتأمن بالرحمن
يا جبال غفران فى قلوب وقلوب
لو عايز حد يتوب .. بيتوب
ويدوب وياك فى معانى كثير
هايعم الخير .. ويسود الخير
ويعود الطير ..
للعش وشجر الكوثر والنعناع
الحق فى قولك عمره ما ضاع
والصادق عمره فى ليله ما باع
ولا جاع فى وجودك حد أكيد
ولا كنت وحيد
كان جنبك ألف و ألف صديق
ساندينك بعد الدعوه..



ما صبحت شئ محسوس
لكن وما زال فى السكه وماجوس
وعبيد لفلوس
بيروحوا وبيجوا عليك طوابير
ولا عمرك ضعت فى خط السير
ولا عمرك توهت مع التايهين
يا حبيب المولى يا ضى العين
عشاقك جوه الكون بلايين
ولا واحد قال أبدا ده مين ..
ولا رايح فين
صادق وأمين .. من يوم ما أتيت
قسمت الشيله لكل قبيله فى حجر البيت
ولا عمرك أبدا لحظه نسيت ..
تقرى القرآن فى وجود القوم
مع إنك قد الريح والعموم
وهمست لكل الناس يا حبيب
والله الشده فى يوم هاتزول..
ونقوم م النوم
نلقانا فى جنبه بشكل جديد



نوفى المواعيد
ونجيب العيد لیتیم مشتاق
یا رسول ولا عمره هابیقى فراق
بیننا وما بین کل القرآن
ما انت العنوان
والخیر لوبان
والنور لو كان لضیاء الحان
النور فى وجودك شئ بیان
الله بالنور بیحن عليك
یدیك العزوه الطاهره بناس ..
تتمنى یكونوا معاك صامدين
ایوه اتمنیت نور (العُمرین) ..
إداك الله نور (العُمرین) فحمدت الله
بقى عندك (نسر) شمال ویمین
بقى عندك دفه ومیت مقداف
المولى همسلك إوعى تخاف
ولا عمرک خفت من الإنسان
تفرش لغریب الدار فى عبايتك ..
یقعد جنبك إیدك تحضن فيه



يُثَمِّلَى فى نور النور بعنيه ..
يفديك بالروح
ولفين ما تروح يا رسول الله ..
ولفين ما تروح
تلقى الملايين مستتيك
عارفاك .. حافظاك
تنزل دمعاتها ان داقت يوم لقيك
تملك أملاك .. كلها قرآن
كلها إنسان .. حاضن إنسان
وبيمشوا بحب وراك
وانت اللى فى قلبك شايلى كل القوم
بتصحى الناس م النوم
علشان ترتاح الدنيا من المتاعيس
ويكون النور عنوان ..
للناس لو تاهت يوم ..
داخل دنيا التوهان
الله الله الله
ع العبد ان يصبح أغلى رسول
والكل بيمشى بحب معاه



على حب الناس
لضياه ولقاه
يبعت بتحية رب مجيد
لجميع الناس الماشيه معاه
وينام على جذع نخيل مشتاق
ويقوم يتمسك بيه
ويبوس مطرح رجليه
يمشى و الشال على كتفه ..
بأعلى رسول فرحان
والضى معاه .. بيبوس فى إيديه
يقعد والصحبه مازالت واقفه ..
يقول للناس..
تقعد علشان تسمع فتواه
ويقول ويقول
الكل بيسمع قول لرسول ..
مؤمن عدنان
قرآن بيهز القلب ويرجف فيه بحنان
ويبل الريق ..
من قلبه صبر على الشباك



الناس حواليه يقولوا ملاك
فيقول إنسان
الفرق ما بينى وبينكوا يا صاحبه الغار
وأيات الله وحضور جبريل
أنا عبد وخايف نار الله
وعذاب الله
أنا بيكم بس يا رفقه رسول
بيكم ..
أصبحت سيول بتطول ..
حتى السموات
موجوده ذنوب .. موجود حسنات
وان بات العبد وقلبه نضيف
بيضيف لميزان حسناته كثير
على كتفك وقف الطير يقول
إنك يا رسول الله عدنان
وانك مبعوث
بتدوس على كل صنم موجود
ويجيك بحر الجود والخير
إنسان وضمير

صاحى وحساس بتحب الناس
فتحبك كل الناس بحنان .. ويحنوا إليك
بتطبطب نسمه حب عليك
وبتفرح بيك نجمة غفران
إنسان إنسان .. شايل قرآن
لهداية قلب الكون .. والكون ..
بلقاه فرحان
ومازال الليل جايب غربان بتعطل فيك
الله يا رسول يبيص عليك
وحاميك من صاحب مال أوجاه
الله الله الله
على ناس بتحب لقاك يا نذير
ومازال فى السكه جموع وجموع
عشش فى صدورها البوم والجوع
واتذلوا مع الحرمان
قائد فرسان .. حامل قرآن ..
قاهر بهتان
راكب على ظهر حصان الضى ..
وربه معاه



والناس حوالية .. بتقول قرآن
تعلى الأركان..

فى شعاب البلد الأمن ..

يوصل فجر جديد

الناس مشتاقه لكل كلام..

بيقوله رسول الله

الله الله الله

على أحمد جوه الغار عرقان

بيطمن فيه جبريل بحنان

الله على شمس الحق ف يوم..

ماتقيد فى الليل

الله على أظهر نجم دليل جوه السموات

ولا غيرك فات ع الناس بهدوم

ولا غيرك زال فى هموم ..

بالأيه وأعلى حديث

الكل جليس وياك يا طبيب

والهك فرجه قريب

ويطيب الجرح فى قلب الأرض ..

عشان ترتاح

وياك مفتاح السما والأرض معاك بتقول
ومدد يا رءوف .. ومدديارسول
مبعوث من رب الكون مصباح
بيداوي جراح جوه الإنسان
ومازال قرأن الرب بيهدى الكون
ومازال الله فى العون
وما زلنا بنترجاه
الله الله الله

على نبض الروح بأيات وعلوم
يا حبيب القوم والروح والعين
صادق وأمين
وما بين السما والأرض هلال
إدن يا بلال .. علشان نرتاح
علشان الناس .. تتجمع ..
نبنى أساس الدين
إدن يا بلال .. هايجيك ملايين
والكل هايسجد يوم وياك
سبح مولاك علشان مانشوف
مانسينا الخوف .. ونسينا الزيف وياه



الله الله الله
على ناس محتاجه آيات وآيات
بتبات تسجد وتصون
ولا مره تخون يارسول موجود
يمشى فيلاقى الجود وياه
ويقول الله .. ويقول الله
ولا رب سواه أبدا فى سماه
الله الله الله
ماشى والليل دايم هريان ..
فرحان الكون بخطاه وضياه
لابس فى عباية النور والجاه
والكل معاه بيقول الله
وبيحلى القول يارسول
ساعة ماتقول لإلهك آه
يا نجوم بتسبح ليل ونهار دايم وياك
مع ألف ملاك
ساجد ع الأرض هناك
وعبايتك باينه فى قلب الليل تشبه لنجوم
وتقوم يارسول م النور



تتوضى بنور مع نور
وطبق بنور .. فى السما بيدور
والليل بيدور وياه
الله الله الله
السكه ما زالت صعبه عليك يا حبيب
بس اللى معاك ..
إختصروا السكه فصبحت سهل رقيق
وريحان ودقيق ومحبه وخير مبدور
علمت الجاهل إنه ما ينطق كلمة زور
حفضته آيات الخير والنور..
وازاى هايكون إنسان
وازاى يقهر فى الجان
وازاى يسند فى خطاك
وازاى هايكون ..
جوه المعركه جواك
وازاى هايقابلك ليلة الهجره..
بحضن حلال
وازاى كل الأنصار ..
همسوك (طلع الفجر علينا) ..

وقومنا خلاص م النوم
إنت الإنسان الطاهر..
ظاهر دون ما يخاف
وانت الصفصاف .. حاضن عصافير
وانت اللى بيوصل لينا دعاه
الله الله الله
على عبد كحيل الروح والعين ..
بيقول الله
هو اللى نادانى .. دعانى إليه
خلانى أنادى عليه مشتاق
ولا أبدا كان فى القلب فراق
دا لأنه حبيبى وضى الروح
ويا يا وفين ما بروح ألقاه
الله الله الله
حتى (الحصوات) بتحن إليك
وبتفرح بيك ..
لو مره تفوت على سكة شوق
يارسول مبعوث من فوق على فوق
م البدء وكنت فى مكه يتيم



على يثرب رايح .. آمنه معاك
ولمحت بعينك قبر أبوك
دخلت فى القلب عليك أحزان
فى رجوعك ماتت أشرف أم فى شرع الله
جذك يا حبيب الروح وياك
صمم يرعاك
لكن من بعد الموت خلاك..
من تانى يتيم
أبو طالب أخذك طفل معاه لبلاد الشام
راهب فى مدينة (بصرى) رآك
فدعاك لحماه
من بعد ماشاف ..
نسمه وغمامه بتمشى معاك
وشجر بيميل حواليك يارسول
إتاكد بعد سؤاله معاك
إنك مبعوث من رب مجيد
أبو طالب كان مذهول م القول
ساعه ما الراهب قال بضمير
إوعى تخليه يأمن ليهود



يسجد وياك الفرع يميل ويميل
ويضل لو يلقاك عرقان ..
من شمس الكون
ويكون فى العون
يوهب لاصحابك توته ونص رغيـف
مختار .. مدثر .. أحمد .. نور .. وعفيف
وجبال إحساس
ورءوف على كل الناس وأمين
يا حبيبى يا ضى لضى العين
الناس صبحت حافضاك
مشتاقه لنورك .. يملئ القلب ضياك
وتقول الدنيا معاك
الله ولا واحد تانى سواه
بيقرب كل بعيد للروح
وبيسند كل الماشى معاه
يرحمنا الله وياك يارسول ..
يرحمنا الله
ونجيك لما الجرح يزيد .. وتقيد الأه
الله الله الله



على أحلى كريم بالنور بيجود
على حامد خير ربه المعبود
على خير موجود رغم الكفار
ساجد فى الغار
مستنى الوحي عشان يرتاح
شایل مصباح الصفا والشوف
بيقول الرب رءوف .. ومجير
بتقول مش عايز موت لضمير
ولا هاقبل شئ غير القرآن
يعلى البنیان وياك وتروح
على مدد الشوف يا حبيب الروح
الناس بتقول عنك وتزيد
إتحول لينا قدومك عيد
ووصلنا لشط إيمان وبراح
الكون متحنى بألف صباح
والليل رواح بعد ماشافك .. الليل رواح
يا همام .. وإمام واقف قدام
يعلى الإسلام .. يا حبيبى معاك
ويجينا ضياك .. نلقاتك قناديل

انسان حساس .. جواه احساس
بيحب الناس .. ويراعى الله
يا طريق بيبارك لسه خطاه
الله الله الله

صوتك يبهز الكون فى الليل
مع إنك هادى كأنك طيف
كفار حواليك والشكل مخيف
فى الشتا والصيف .. بينهم موجود
بتوزع نورك ع الماشيين
صادق وامين
وحبيب للمولى ..
وحامل جدا فى القرآن
الفجر يبان .. يلقاك سهران
بتردد أياه بتسبق جدا فى الازمان
والقلب مازال .. دايب فى بكاه
الله الله الله
على صوتك تصحى ..
يكون الفجر مآخر نفسه عشان يلقاك
بالحب تنام .. والليل يغرق فى هدوء
تتبسم .. تصبح كل الدنيا شروق
بتقول للقوم
لو جوعتوا .. تصحوا..
بلاش تبذير فى الجوف



علمت الصاحب يبقى كريم
ويجود بفلوس وياه
الله الله الله
على عبد الله الراعى
فى رحلة بحثه عن الأعشاب
فى تجارته لزوجته خديجه
بنت خويلد جوه بلاد الشام
إتدرب يمشى ازاي ..
فى الصحرا الغامقه هناك
محتاجه الصحرا لوعى ويقظه..
وبحر شجاعه وحرص من الطماع
من قاطع كل طريق
تدريب على (خبير) .. ويا (تبوك)
حرب الفجار بين قيس وقريش ..
كانت تدريب للجاي
وازاي نتحمل نار على نار
اتعاهدت كل قريش ع العدل مابين الناس
الله يارسول مليون إحساس
والقوه معاه بنيان



ولا عمره ظلم إنسان
مشكلة الحجر الأسود كانت ليك برهان
على إنك واعى وفاهم كل القوم
شخصيه عظيمه وبحر أمان..
وعزيمه من القرآن
ويبان مختوم .. من نور رحمن
الرؤيا معاك تتحقق بعد ماتصحى
وتصبح شئ ببيان
الخلوه قانونك فين ماتروح
والبعد ياروح الروح عن ناس..
مش فاهمه كلامك ليل ونهار
هربان من نار كفار على غار مبروك
كان قبل خديجه بعام
بيفكر فى الأصحاب
وازاي يعبدوا أصنام
تفكير وتأمل فى الأحوال
وضلال بيسيطر ع العايشين
دا لحد ماحاله الوحي فى أعظم غار
مفتاح الخير وياك يارسول مختار

علمت الناس تقرى القرآن
يقروك يا رسول هادى وعدنان
إقرأ .. قالها لك رب مجيد
وفضلت تقول وتعيد للناس
(إقرأ) علشان الحب يزيد بين المخاليق
(إقرأ) علشان إسلامك يبقى طريق ..
موجود .. مفروود
(إقرأ) علشان الحق يعود
ويساوي ما بين الكل يا سيد الكون
(إقرأ) .. هاتكون دايمًا فى العون
علشان الكل يشوف
دايس ع الخوف والنوم والليل
أصبحت دليل ..
فى ليالى الضلمه مع الحرمان
شرفت العالم بالقرآن
وصبحت شمس للخير والنور
يا حبيبى فى ألف وألف مكان
علمت العبد يكون إنسان
وازاى يتعامل مع أولاده برحمه وشوق

(۱۸۶)



بيhez قلوب وقلوب
الكل خلاص بيتوب .. ويدوب ..
بهواك وضياك وسناك ولقاك
عصفورك واقف ع الشباك
بيقول مش ممكن يوم هانعود..
للشرك .. وللأصنام
بيقول أنا ماشى بفضل الله قدام
وهاروح لجميع الكون قرأن
شایل فى آيات جايب حسنات
للمحسن لو هايجيب الخير
مرسل من رب مجير
خالق فى الجنة معاه النار
صابب لعناته على الكفار
خارج يارسول الله م الغار ..
قلبك ممنون لإله الكون
علشان إختارك تبقى رسول
خارج بتقول إن القرأن..
بيفسر كل كلام موجود
الله ع الجود والخير والضوء



ووضوء القلب فى بحر براح
والقلب ان يطلع يوم مرتاح
من كل جراح كانت قللاه
الله الله الله
ع البدر ان قال موال بيقول
مشتاق يارسول الله مشتاق
كاره لو جانا فراق مكتوب
ما انت المحبوب
وانت السهران على راحة القوم
بتقوم م النوم ملهوف ع الجار
مش خايف أبدا م الكفار
ولا شايف غير قرآن فى عنيك
النور بينادى عليك وينول
منك يارسول الله أضواء
والرب ان شاء .. بتسلم ليه
وتفكر فيه ..
فى الليه ساعات وساعات
لو تسمع جوه الليل أنات بتروح لهنالك
والخطوه معاك ..

بتشوف جواها ملاك يناديك
يا رسول الحق ..
يا شايف كل الكون حواليك
إتوصى بكل اللى يوصيك
تشفع له فى يوم
وتنام مهموم على حال القوم
تنصح فى جميع الناس بالصوم
وتكون لجميع الناس خدام
وتكون إسلام فى النور موجود
وتعود للبيت فرحان وحزين
فرحان علشان الدين بيسود
وحزين علشان حاول يأذيك ..
كافر ولعين
ولا شافت زيك أبدا عين
بتقول للعالم إصحى وفوق
وبتحضن كل عباد الله
الله الله الله
ع العابد ربه فى كل مكان
ع النور الدايس ألف شيطان

على ضى الله لو فينا يقيد
على عيد فى الروح قبل المواعيد
على إيد تتمد لكل الناس ..
تحضن بدفاها فى مليون إيد
ولحد قيامة الكون ما تقوم
هاتكون المخلص والإخلاص
وتكون الفاس.. بتهد فى دارالليل و الزور
بتزور المتعب والقلقان
وتطمئن كل عبيد الله
الله الله الله
على ألف سلام السما للأرض
عشان جبريل
نازل بالوحى على المختار
قاعد يستنى الشوق يناديه
ودموع العين فى عنيه محيطات
يتأخر لحظه عليه جبريل
فتبان فى القلب أهات وآهات
يتبسم لما يطبطب فوقه ..
بشوق وحنان



ويبلغ قلبه سلام الله
دقاته القلب أكيد عارفاه
حساه علشان معروف
عرق المختار ع الهدمه يسيل
يمشى جبريل
فيشد رسول الله الحيل
ويبلغ سوره جديده لناس ..
محتاجه لقاها وهاتمشى معاها
الله الله الله
على أغلى كتاب الناس عايزاه
مزمل لما الوحي أتاه
خلاه أجراس
بتدق تدق تصحى الناس من نوم
وتبلغ فى المعلوم
يهمس جبريل للهادى (يدوم)
ماشى المختار .. قدامه جسور وجسور
ولا حس فى يوم بقصور
ولا شايف غير السكه ..
وسكه سعيه حلال



قاعد ومعاہ مصعب وبلاد ..
وآلاف و آالف
السما على كل الصحبه لحاف
والأرض سرير .. بيساعى الكل ..
ان واحد حب ينام
(نور الإسلام)
بيبان وبيان
ومحمد كان إنسان
حتى لو حاولوا فى يوم يدوسوه
الطير والناس حبه
والسما ونجوم الشوق .. عشقوه أستاذ
يعطى المحتاج لو عاز
ويسدد أى ديون ع الروح
ومازال بيشيل هم المجروح
ومازال بيروح لیتيم فى البيت ..
علشان يرعاه
إشفعلى يا عبد الله
وادعيلى أعيش مستور
دا لحد ماييجى على الدور



ولحد مايجى على الدور
طمنى عشان أرتاح
اخذ مفتاح الصبر..
واكون للضلمه صباح
للحق سلاح
وأكون قنديل فى ليالى ضلام
سيدنا محمد رامى لكل الناس الوقفه سلام
والكل بيستناه
ريحة العنبر سابقاه
وهلال السما بينادى بشوق
سيدنا محمد طالع فوق .. يجمع نجمات
حسنات بتنادى على العشاق
ومفيش فى الدنيا ما بيننا فراق
ولا شئ ع السكه سواه نلقاه
الله الله الله
على ضى رسول عدنان
واضح لكل نداه
ساقى للورد نداه
الله الله الله

على طيف إنسان .. عايش ملهوف
على إنه يشوف
على مدد الشوف ملايين ساجدين
وإمام بيقول للناس على فين
ويشوف الصلا والصوم موجود
الله ع الصدق ان كان موجود
والناس بتجود
على سائل ماشى معاه محروم
يارسول الله .. الخير ها يدوم
إن حتى الشر مازال بيحوم ..
حوالين البيت
لله حبيت .. وقاسيت .. ما نسيت
ولا مره سهيت
يا شعاع قنديل .. طاهرو أصيل
بينور فى الطرقات وبيان
لو واحد مات .. إنت اللى بتجرى عليه
تسقيه فى آيات وآيات
وبتطلب ليه الرحمة مع الغفران
ماشى بتفتش كل مكان .. ع



ن نور .. تلقاه

الله الله الله

على ريحة مسك عشر مرات

وتقول في آيات

يسمعه الماشي في كل مكان

على صوت قرآن .. خارج م البيت

على بحة صوت بأدان مسموع

على أغلى خضوع لله وضمير

على رعدة طير فوق الأشجار

ساعة ما رسول الحق ناداه

الله الله الله

على نجمه بتنده ليك يا رسول

وبتوهب لنا العزم سيول

وتخلي الكل شهيد

يا ليالى العيد في لقاءه

ومعاه الشمع يقيد

مع كل كلام نلقاه

راجع قبل المواعيد

جيش الأصحاب بيزيد



جيش الكفار بيزيد
وطريق الصعب طويل وشديد
والعالم تاه
الله الله الله
الورد مفتح يوم لقيه
دايما بيغير من ضى شذاه
والناس عارفاه .. صادق وأمين
صندوق السر لرب معين
والضوء العازف لحن ..
مفيش فى الدنيا سواه
يسند فى الضهر على البنيان
يعلى البنيان
ويكون فدان مزروع رياحين
صادق وأمين من حق مبین
ولا كان غير نور على نور وحنين
بينادى بقلبه على الغائبين
ويزور أهاليهم ..
لما يطول فى الغربه غياب ..
فاتح أبواب ..

للمسلم لو فى الكون يحتار
قافل أبواب ..
لو شاف جيش الكفار
داخل ع الدار
كان قبل الوحي حزين محتار
ليه كل الناس .. إختارت سكه ظلم ونار
كان بينه وبين الله أسرار
دا لحد ما وصل الوحي وقال هارتاح
وازاى يرتاح ..
والناس معظمهم م الأشرار
حاربوه وهانوه بسيوف إصرار
سيدنا الهادى .. الشافع والمختار
هو اللى اختار
يفضل على دينه لحد الدين ما يسود
ولحد النور ما يعود .. يملئ الطرقات
كام واحد مات وياه فى الحرب ..
ويبكى عليه لو واحد مات
ولا فات على بور أبدا فى طريق
غير لما تعود تصبح رياحين

صادق وأمين
إختار العالم يبقى حلال
وأمر فى بلال .. يدن ويصحى سطوح الكون
ممنون من كل ال
مؤمن بيه
يلمسوا فى إيديه
الزهر يفتح جوه دروب النور والخير
يسجد والطير الحائر يسجد تانى وراه
الله الله الله
يا رسول الله .. يا صراط معدول
يا أعز رسول جوه الأكوان
جيت بالقرآن ..
تعدل فى المايل والقلوب
داخل فى قلوب الكل إيمان ..
وحنان وأمان
داخل إنسان .. جواه إنسان
بتوصى الجار ع الجار
والزوج والزوجه يكونوا ملاذ
الله .. قولك الماظ

فى طريق كان كله قزاز فى قزاز
ولا عارف حتى القلب مداه
الله الله الله
قال للأصحاب .. الواحد فيكوا بميه
ان سيبتوا الإيد فى الإيد
وإيدىن المولى بتسند كل (جماعه) ..
بتسعى لنشر الدعوى بدون ما تخاف
كان لما بيجلس جوه المجلس ..
يملى الكون ريحة صفصاف
الصوت من فضل الله شفاف ..
صافى النبرات
وكان الظلم الظالم مات
والظلم الظالم فعلا مات
داخل بثبات .. على كل صنم موبوء
على كل اصحاب السوء السوء
تنزل للسوق
تشتري فى رغيث التقوى لكل جعان
تشتري فدان القمح لكل مدين
ولفين ماتروح

بيروح وياك الخير قناطير
تعطيه للغير ..
وتنام يا حبيبى فى حضن الجوع
تسرح فى خضوع وحشوع الروح
أيام بتكون مجروح م الليل
وساعات فرحان بحمام الدوح
بيبص عليك ودموع فى عنيه
وتنادى عليه
ينزل ويجيك لاجل يوشوش فيك
ويبوس فى إيديك
ويبص عليك بعيون الشوق
ويطير على فوق يلمس فى سحب
ويدق الباب ..
يصحى الأحباب على أغلى أذان
بيقول لكل دا عبدالله
تشرح للناس الدين
وازاى نرضى الديان
وازاى الحق يكون إنسان بيشوف
قلبك ملهوف ..



وكأنك شائل هم الكون
دايما يا حبيب الله فى العون
ماشى وعبايتك فوقك نور
وسحاب مسحور سارح وياك
الله على ألف قمر بيدور
الله على ضى الله وضياك
وكان النسمة الطاهره هاتصبح قول
وكان السما بتقول
زغلول فى العش يبص عليه
تنزل دمعاته على القاعدين..
مع أحلى رسول
يتكلم تلقى عبير السكه..
بیرجف فى الشباييك
عايز يحضنه ويبوسه عشان يرتاح
يسكت .. فنلقى الدنيا حط عليها الطير
تنزل من عينه الدمعه تنور للصامتين
يتحول قلب الكل (ترقب) ..
بعد ما طال صمت المبعوث
ويعيد الآيه عليهم ..

يشرح ليهم حرف بحرف..
يزيد فى القول
ياخذ فى آراء الكل ويمشى برأى العاقل..
يدى الفرصه لكل الناس..
تتكلم حتى تناقش كل ما قال
ويحسن فى الأحوال
وياه يرتاح البال
وينول الكل مناه وهناه
الله الله الله
على صوت السما..
لو يحضن ضوء إنسان
على صوت الحق ان دق على الأبواب
على شمس العزه ان بانث للعشاق
على صحبه مفيش فى قلوبها فراق
على عالم ضاق
لكن بكلام مبعوث اتحول نور وبراح
واتحول ألف صباح.. لعباد الله
الله الله الله
على وجه مليح



على قلب رقيق..
واقف يتحدى بقلبه الريح
ويجيب لاجل المجاريح..
أهرام القوت
الله ع الحق ان كان رافض فى الموت
الله على صاحب .. لسه لحد اليوم
من صخر الليل بيفوت
الله على صوت ملهوف
ع الصاحب ويا الجار
مش حاسس أبدا خوف
غير ع الإنسان م النار
كان لما بيجلس جوه المجلس
تجلس جوه الجلسة طيور ألماظ
ونجوم من ماس
وجناح إخلاص..
يفضل مفروود على كل الناس
سورة الرحمن..
سورة الفرقان..
سورة الإخلاص

يُفرك فى إيديه ..
الكل يبص عليه .. يستبشر خير
الكل أسير لكلام الله .. والحق مجير
شلال الخير ..
يصبح مصابيح على مدد الشوف
وكلام سيّدنا يزيل الخوف
ويطوف سيّدنا محمد ..
قلبه يزور كل النايمين فى البيت
لفيت يا نبينا وجيت
أعلنت الهجره لأرض الله ومدينة الشوق
مصابيح الضوء مزروعه هناك
مستنياك يا حبيبى بفارغ صبر ..
وعايزه تقيد وياك
ولحد ما تخرج نص الليل من (فرشك) ..
قبل الضوء ما يبان
ولحد .. لحد وصولك فوق الناقه لبيت معمور
خرج السكان ..
بيغنوا لبدر طلع فى الليل
للبدر وللمبعوث .. ولأمر مطاع



ولنور واصل وياك
واخترت مكانك .. زاد النور فى مكانك زاد
وارتحت هناك ..
مع إنك كنت بتعشق مكه بشكل غريب
وهناك .. مش قبرك ..
أيوه هناك المسجد والعشاق
والراحه مع الزوار
والفرحه مع السُمار
يا رسول الله ..
أنا لما حاولت أقول وأقول
أقسمت بنور الله إنك يا حبيب ..
أكبر بمراحل م الأشعار
أكبر بمراحل م الأقوال
بتقولى ليلاتى ازى الحال
وأرد عليك .. العالم مال
واتحطم كل ميزان موجود
لكن وياك الخير بيعود
والنور بيسود يا حبيب الله
الله الله الله



لو فيه إنسان يصبح إنسان
يعدل في ميزان محتاج لميزان
ويسلم ع القرآن بدموع
يتحدى الجوع بصيام مشروع
وكلام مسموع
وحنان وخضوع
وإيمان وخشوع
تلبس في عبايتك ..
تملى عبايتك كل الدنيا ضياء
ومازلنا معاك عايشين معراج
ومازلنا معاك عايشين إسراء
يا رسول الله ..
والله لا يمكن يبقى ما بينا فراق
ولا يمكن مهما يزيد الداء
هانسلم للكافرين
الله بيصلى عليك يا أمين
وتقول ونقول.. مع مين هانروح
والروح مشدوده إليك على طول
ومدد يا إله الكون بالعون

ومدد ومدد ومدد يا رسول
ومفیش مسئؤل ..
غیرك عن كل الساجد ع الجمرات
أبو بكر بیصرخ
بین الناس : (الصادق مات)
لكن رحمن الكون موجود
بصراحه ..
لا یمكن تانی اللیل هایعود
طول ما القرآن ..
ویانا فی كل مكان
طول ما الأحادیث للناس بتبان
طول ما الإنسان .. هایصمم یرجع
تانی یكون إنسان
طول ما العدنان ..
ویانا فی كل مكان
وحارسنا من البهتان واللیل
أحادیثه دلیل للتایه بین النور والزور
الله ع الأرض البور ..
لو لیلہ تزهر لو یلمسها رسول

الله يا أصول الدين .. وخيول الخير
الله على طه ..
فى بحثه عن المحتاج للغير
الله ع الطير
لو رفرف فوقه وغنى لأغلى رسول
الله على أشرف قول ..
فرحنا ضياه
الله الله الله
كان لما ينام .. الكون يسبح فى هدوء
يصبح صفصاف وشروق
وأراضى بتفرح بالمبعوث
إدانا دروس ..
نفضل فى الكون صابرين
ولا نغضب لما يصيبنا جفاف
نفرح باللقمه الحاف
لو حتى السما للجسم لحاف
لو جوعنا فى ليل مكتوب
علمنا نتوب لو فيه أخطاء
ونخلى الداء .. يتحول لنا شفاء



ونكون للدنيا نماء وحنين
سيدنا رسول الحق أمين
ومبين فى النور الواضح ع الطرقات
الله على عبد يجمع فى الحسنات
ويبوس فى الأرض ..
ان كانت أرض حلال
لا يجمع .. مال
ولا يكثر من خيرات الله
الله الله الله
على طه فى بحثه عن الخلائق
وان صاحب بان
يحضنه بعينه
ويبص عليه لو غاب أو ضاع
الله على طه شرع
للمركب لو ها تتوه
الله على أحلى وجوه فى الكون
أصحاب الهادى ان يوم حضنوه
وسابوه لو عايز يخلو بنفسه ..
عشان جبريل



الله على صحبة طه الخير ..
راكبين على ظهر الخيل
وسيوف الحق معاهم ..
الخطا بلحظه بدون ما تخاف
يخرج صفصاف الحب ..
يضلل ع المجاميع
ولا حد يضيع أبدا وياك
ولا حد يبيع
الكل يطيع
ويقلك إنت رسول الله
وانت الإنقاذ ..
لينا من نار النار
لسه المشوار يا رسول الله ..
مليون مشوار
لسه المقدار ..
مقدارك غالى وعالى وفوق الفوق
من قبلك كان الكون مخنوق
ولا كان بيدوق ..
غير طعم مرار



من قبلك كانت نار الليل ..
بتقيد على طول
يارسول من حق عظيم وكريم
بتحارب ألف أثيم غدار
من قبلك كان الكون محتار
وغريق ويا الأصنام
بتنام .. فينام الضى معاك
وتقوم م النوم
يحرسك الله ويكون وياك
ولا حد تعب فى الرحله معاك..
ولا واحد تاه
الله موجود .. الله الله
على حسنك لما يزيد ويزيد
على حطة إيد الخير فى الإيد
على عيد موجود دايمًا بلكاك
يسعدنا ضياك
ونكون وياك جوه المشاوير
متهنى بخط السير يا رسول
دا لأنه أوامر من مولاك



الله علاك
خلاك أحاديث ..
قدسيه بتهدى الكل لنور
مأمور من ربك..
تصبح قائد جيش مأمور
ولا بين الناس وما بينك سور
ولا أى حجاب
أبواب وبتفتح يوم عن يوم
أسراب م البوم ..
هربانه لأرض خراب فى خراب
كثروا الأصحاب
وصبحنا آلاف فى آلاف فى آلاف
ولا يوم فكرنا فى ليله نخاف
طول ما انت معانا يا عبد الله
تهدينا ان كنا نضيع فى التيه
وها نزل ليه .. وها نياس ليه
واله الكون موجود فى الكون
الله ورسول الله فى العون
والروح فاكراك



أوقات بتقابل ناس ناكر اراك
على روحهم غضب الله والناس
إنت اللى هزمت شيطان خناس
ووقفت مع المجاريح
وبتهدى الريح
ليلة ماتشوفك نجم نجوم
بتزيل فى هموم الروح م الروح
وبتيجى معاك مطرح مطروح
يا إمام للقلب ان كان قلقان
وهلال بيبان قبل المواعيد
وشموس بتقيدلك ليل ونهار
الله على جنه وكانت نار
الله على سيف فى ضلوع غدار
الله على لون النور وبهاه
الله الله الله
على طه وهو فى سكة ضوء
والشوق فى عنيه رغم الأشرار
مشوار .. مشوار
والليل ستار



والدار بتدارى على القرآن
من عين كفار
ونهار ببيان على مدد الشوف
معروف بيسود بين المخاليق
وطريق بيضيق ..
وان لمسه رسول الله يكون ..
مليون فدان
يا رسول عدنان
نورك يا حبيبى فى كل مكان
وهواك موصوف من بدء لقاءك
يا رسول لجميع الصحبه بيان
يبيع مراسيل لقلوب وقلوب
الكل يدوب فى أمان وإيمان
يسجد علشان الشمس تبان
والمطره تبل فى شجر النور
تتفتح كل زهور الخير..
جوه المخاليق
إن شاف الدرب فى يوم بيضيق..
بيوسع فيه

وتطبطب إيداه عليه .. يصبح فرحان
عدنان وجميل وأصيل
وشطوط للنيل .. لو نيل عطشان
تحمينا يا طه من التوهان
من ألف غرور فى الدنيا وفعل حرام
دخل الإسلام وياك للروح
أصبحت آيات وحديث مشروح
جواك أنوار ونهار وطموح
وكلام بيردد فيه الناس
إنسان حساس .. ورءوف ورقيق
بتزيل الضيق من كل الكون
تمشى فى سكون
تتهز الأرض ..
ان بص عليك الديب أو زام
دخل الإسلام .. ساد الإسلام
أصبحت با عبد الله قدام
وإمام لكل فى كل صلاه
الله الله الله
ع الفارس جنب رسول الله



لو يلقى فى طه الحب مناه
ولا تاه وياك أبدا إنسان
ولا كان وياك ..
غير اللى مآمن بالرحمن
غير اللى بيعشق فيك يا رسول
غير المسئول
عن شرع المولى فى أغلى كتاب
حواليك أصحاب .. حواليك أحباب
بيدوسوا الخاين لو ها يخون
ويخلوا الكون الضلمه هلال
مدنه وعليها بلال موجود
الخير بيسود .. والنور بيعود
والكل بيجى فى يوم موعود
يلقاك مستنى قدومه هناك
يا جميل .. ولا بعدك حد جميل
يا أصيل ولا بعدك حد شبيهه
الدين .. إنت بتجيبه
والكون .. بتنور فيه
ونصلى عليك دايم يا رسول



ونجيك أغلى وأحلى مقام
علشان فى الليل نشبع بضياه
الله الله الله

على فجر الخير لو طال
علشان يسمع فى بلال
ويصلى مع العاشقين

يارسول يا أمين يا روعوف
الصحبه صفوف قدام الباب
شايلين فى سيوف .

شايلين فى حراب

مع إنك غصن سلام فى سلام
بس الكفار شايلين فى سلاح
وف كل صباح.. بيسبوا الدين
تخرج و عليك الشال مبلول

وتقول للناس تصبر .. هاتنول
بس الكفار يارسول جاهزين..

عايزين يبيدوك

عايزينك ترجع تانى تقول

إن الأصنام هى المعبود

وان الرحمن شئ مش موجود
تمشى يا رسول والصبه معاك
تقعد فى الضل .. الضل يزيد
ويهلل لما يشوفك قاعد هادى رزين
الله يا أمين

على كل حروف الله والدين
على ناس قاعدين وياك صابرين
بيضحوا بروحهم لاجل تكون موجود
وفضلت تسود .. وفضلت تجود
دا لحد الدين .. ما دخل بهدوء
على كل مكان موجود فى الكون
إنتشر الدين بين الملايين
يا محمد يا اللى ما كنتش يوم ..
حاكم غدار او صاحب مال
يا محمد يا اللى نشأت يتيم ..
وكريم وحليم ورقيق الحال
يا محمد يا اللى اخترت فى يوم ..
العزله بأمر كتاب الله
وبتقضى اليوم دايم فى الغار ..



وكأنك رايح تستناه
جبريل اتشرف بيك يا حبيب
كان أغاى طبيب ..
للدنيا عشان بالنور ترتاح
إعطاك مفتاح
وهمسلك ربك
كان الهمس يا طه حنون
بيقولك كون ..
العون علشان يرتاح القوم
وتصحى الناس يا رسول م النوم
توعدهم دايمًا بالجنات
وبيوم ها يكون فى السما معلوم
وعلوم الدين .. مليانه علوم
ويفوت اليوم من بعده اليوم
وما زلت فى روح السما والأرض ..
إمام مبعوت
بيجيب القوت لكل آيات
ويبان النور على دمع عنيه
من كل جراح بتاثر فيه



او ای رماح .. تتوجه لیه
من کل شیطان کذاب یأذیه
من نار تکذیب الناس للدين
صادق وامین
متحمل غدر .. بیجی مین ؟
من کل مکان
شایل قران
جواه انسان حاضن انسان
جواه برکان .. لازم هایبان
جواه أحادیث وکلام وکلام ..
من وحی الله
فی مدینه الشوق
ساعد فی بناء المسجد .. کتروا الناس
وسع فی المسجد ..
بس الناس بتزید
والیوم اتحول عید ونشید
بیردد فیہ کل القاعدين
فجأه وبنلقى الناس ویاك ..
یا رسول ساجدين



فجأه ونلاقى الناس ملايين
تخرج للخلا وتصلى إمام
والكل يقول للرب أمين
تمشى والكل وراك ماشيين
فى القلب حنين وحنان وإيمان
خطوة إحسان بتكون فدان
وبقيت فى الأرض (ظلال رحمن)
والكل مجيب
مخلص للكل .. حبيب وطبيب
وان لحظه يا نور الله ها تغيب
الكل بيجرى ويسأل فيك
تضحك وتقول ..
انا عمرى فى يوم عنكم ما ها اغيب
إنتم أصحابى وسند الروح..
والرحله ما زال قدامها كيتتر
وضرورى اتعيش لنهاية الكون
والله ها يكون وياها العون
مليون مليون واكثر بكيتتر
ها يكونوا معايا ان حتى هاموت

يقلقوا يا رسول من سيرة الموت
يهمس للقوم
أنا ميت زى ما قال الله
لكن ولا يمكن صوت الدعوه يموت
ولا يمكن حد يفوت
من غير ما يقول الله
الله الله الله
على طه وعمره ماتاه فى طريق
وعلى الصديق .. وابن الخطاب
الله ع البدر وعمره ما غاب
عن عين سهران
ورسول عدنان
بيمد الإيد
فتقرب كل نجوم السما دائما لإيديه
وتبص عنيه ع الكون ترقيه
وبتحرس فيه .. من كل حسود
الله ع الجود لو ليله يعود ..
لاجل الأيتام ..
إسلام .. ولا بعده ديانه تعود



إسلام ومعاه الجود والخير
والزاد موجود علشان الغير
الله يارسول .. خلى المقادير ..
تصبح إنسانه مع الإنسان
تصبح موجوده فى كل مكان
يا رسول عدنان
ويانا فى كل زمان و مكان
تحمينا بنورك م الأوهام
تنجدنا يا طه من البهتان
ويفوت العام .. ووراه العام
يدخل إسلام ..
بالحب يغير فى الأوضاع
فى وجودك .. عمرما واحد ضاع
ومازلت معانا شراع مفرود..
جوه الأمواج
ومازلت معانا النور الزاد ..
لما بنحتاج
ومازلت التاج على راسنا ..
أمام الدنيا يا عالم بالسرار ..



يارسول مختار
سلمت الروح دايمًا لله
وندهت عليك
تشفعلى يا طه فى يوم لقيه
وتطبطب إيدك فوق التوب
تفتحلى ببيان الجنة بشوق
تهمسلى .. تعالى يا شاعر دوق ..
من شهد التقوى ..
وفضل صلاتك فوق الشوك
مبروك مبروك
واتفضل يا الله اختار
علشان ما ها اكون وياك
هاختار ..
أمى وأبوى وزوجتى ..
وكل اولادى ..
وكل ولادهم ..
كل اخواتى ..
وكل العيله يا عبد الله ..
الله الله الله

أنا با طمع بس فى موته مريحه ..
بدون تعذيب
وبدون ما احتاج أبدا لطبيب ..
مش فاهم شئ
أنا با طمع اكون دايمًا وياك
فى نهايه الرحله .مع الصديق ..وعمر وبلال
وجميع أصحابك ..
لاجل تروق الروح والبال
يا رسول علمنى أقول .. واقول ..
الشعر وكل حروفه حلال
وأكون فى ميدان القول .. خيال
وأكون معطاء ..
للكل عشان يا رسول أرضيك
واعطيك من حرفى زهور الماظ ..
تسعد عشاقك فىن ما أروح
يا حبيب الروح .. والروح حاضناك
القله مازالت ع الشباك
مكتوب جواها دا بحر الضوء ..
وعبير الشوق



والنجم ان كان طالع على فوق ..
يهدى الملايين
ولا زيك عين هاتشوفه فى يوم
ويانا فى عز النور
ومعانا فى كل مكان
بنجيك جوه القلب حنان ..
وحنين وغرام
والكل يقول
يا ما نفسى أكون فى حماك خدام
فى ضياك .. أحلام
ومعاك إسلام ..
لكنه بشكل صحيح
مش وهم مكرر .. أو تجريح
يا رسول يا فصيح
يا شعاع للكون ..
لو كان الكون محتاج تغيير
يا عزيز .. يا كريم ..
طول عمرك شايلى هم الغير
وبتضحك مهما تكون زعلان



لو شفت يتيم محتاج لضياك
تمشى ع السكه وهو معاك
والضى وراك
بتعلم كل الناس ازاي ..
يصبحوا رحماء
يشفوا م الداء
لا غرور ولا أى طريق لرياء
ولا أى نفاق ولا كلمة زور
النور بالدور
وان كان ع الصحبه لا بد تعيش دايمًا فى النور
تمشى ومعاك أصحاب احباب
فتلف الأرض تدور حواليك
تسمع فى أذان الديك ترتاح
وتقول لبلال..
إتعلم منه أذان مبعوت
وتطبطب تانى عليه وتقول
إختارك أغلى رسول لأذان
إختارك لاجل تكون الصوت
بينور ألف مكان ومكان



ييجيوا الأصحاب
يلاقوك مستنى قدوم القوم
يا رسول الحب برغم القيظ
ويا الكفار ماتحسش غيظ
مخلص وعزيز
ولا عمرك يوم فكرت فى مال
بتقسم أى غنيمه معاك دايمًا ..
يا حبيبى على الأصحاب
ولا يمكن تاخذ أبدا شئ
لو رحت طريق
يا حبيبى بيوسع ليك على طول
ويقول دا رسول الله موجود
شرفنى بخطوه عشان ارتاح
وياك مفتاح الخير للناس
تلمس فى الشاه بدراع إحساس
يشربوا فى حليب
لو حتى آلاف ولاف والاف
من إيه هاتخاف ومعاك رحمن
ساكن وياك .. جوه الوجدن



وببيعت لك جبريل على طول
الله يا رسول
ماشى وجميع الخلق وراه
يقعد .. الكل يقول هايقول
ويزيد الخير دايمًا وياه
يهمس للقاعد جنبه يقوم
لو كان تعبان
ولا حد يقوم
ولا حد يفكر يوم فى النوم
ولا حد بيقلق أبداً أبداً م العدنان
ساكن جو هبحنان جوه الوجدان
وعظيم الشأن
ومهاب ا بيظهر فى الأزمان
وكم ان محمود ..
وكريم .. وحليم عن الرحمن
تصحى .. فتصحى الطير الطير
علشان ما يغنى ان لحظه رآك
تخرج فتلاقى جميع الناس ..
مفتوحه قلوبهم لاجل لقاك



يا رسول الله
إن جيت م الغار
يسبقك الضى لحد البيت
لو قلت ف يوم حبيت الضوء ..
بتنور كل الدنيا عليك
ويبان فى عنيك سورة الفرقان
إنسان إنسان ..
شایل فى هموم كل الأكوان
ومصمم يصبح لاجل العالم أحلى كيان
ويبان للناس كل الأوقات
الصادق مات ..
لكنه مازال عايش فى الروح
فى هديل مبجوح لحمام الدوح
والطفل الحافض فى القرآن
فى الكهل ان كان بيصلى عليه
فى عيون اطفال بصين ع النور
فى دخول الجامع أو فى خروج
فى صراح الموج لو شتا أو صيف
فى حضور الضيف ووجود الناس



بنصلى عليك لو ضيعنا فى يوم
أو قبل النوم .. أو بعد النوم
ونقوم نلاقينا بدون اسباب ..
بنصلى عليك
فى بداية أكل الناس للزاد
أو كل صلاه
أو عقد قرآن
أو لحظة بصره لحد جميل
أو شكل رقيق
أو بدء طريق
ونبص عليك
نلقاك فى كتاب الله موصوف
نلقاك معروف بحروف وآيات
نلقاك طرقات مليانه حنين
وكلام من رب مبين محفوظ
نلقانا معاك دايمًا بتفوز..
بالجنه عشان وياك صابرين
عاشقين فى هلالك والقرآن
نلقاك مشاوير للخير والجود



بتجود على كل عباد الله
ونقول الله الله الله
على أحمد لم نادانا نداه
على طه ان كان يهدينا سناه
على أحلى رسول مبعوت للكون
كان كل الدنيا بتستناه
وبقالها سنين تستنى لقاءه
الله الله الله
على ضى قمرنا ان كان بيزور
ويبوس الدنيا بدون مواعيد
على ليلة العيد مع أحلى رسول
على أغلى سيول.. مليانه بخير
على شدو الطير.. ويا الأنصار
وطلوع الفجر على الداخلين ..
لمدينة بتحكى عن المختار
الهادى اختار
والناقه خلاص وصلت للبيت
مأموره برب كريم ورءوف
مابقاش الخوف فى قلوب اصحابه



خلاص ارتاح
الحب قى قلب الكل سلاح ..
ضد الخائنين ..
إتآخى مابين الكل فى غمضة عين
والرب معين .. الرب معين
ياأمين وارتحت من الكافرين
ومن النايمين ..
فى كهوف الجهل وليل الليل
رحلة أصحاب بتهد الحيل
لكن بتقول للكون أنا جيت
أحمى الإسلام من شر لنيم
من شر عديم الشوف .. وأثيم
من شر الباطل والبهتان
قابلوك الناس .. حافضين قرآن
وصوك تدعليهم ويا أدان ..
فى الكون مسموع
إدن يا بلال .. فى حشانا الجوع
لصلاه تجمعنا فى يوم معهود
وعهود وعهود وعهود وعهود



وطريق مفتوح وطريق مسدود
وقلوب بتجود وقلوب بتعود
ومازالت يا عبد الله موجود ..
فى الدنيا .. يا طه وكل مكان
ومازال فيه ناس بتصلى عليك
وقلوبهم زى جبال جرانيت
فاقدين الدين .. فاقدين الصوت
بتخلى الحق الصافى يموت
ومازال وياهم جيش أصنام
يارسول المولى لكل أنام ..
عارفين الله
يا قمر فى سماه
بينور كل الدنيا ..
بقول الحق فى كل مكان
يا ياسين بيجمع فى القرآن
علشان الناس فى الكون تقراه
الله الله الله
وصانا المولى مايعلى الصوت ..
فى وجودك مهما يكون الليل



مخنوق بالروح
وصيت الناس ..
ما تمرش أبدا بين ساجدين
ولا تبقى صلاه فى القبر فى يوم
ولا تبقى صلاه غير المكتوب
ما تصومش الجمعة عشان ترتاح
ممنوع الوصل ما بين الصوم
ممنوع النوم على قبر الغير
ممنوع تتشفع أبدا أبدا ..
مهما تكون أحكام الله
الله الله الله
يتلون لونك..
لما أسامه اتشفع ليك
وقطعت دراع ..
إتمدت لاجل ما تسرق شئ
وصيت الكل يساوى مابى..
كل الأولاد
العدل أساس الحكم يا نور
وكرهت الزور



دا لأئك اصل لكل أصول
الله يارسول
حذرت نذارى السلعه فى يوم ..
عن قلب السائل و المحتاج
ونكون التاج فى الشرا والبيع
ولا نخطب يوم ..
على خطبة صاحب مهما يكون
وان الرحمن دايمًا يرضيه ..
إننا مانخونش عهوده ..
ونرضى بكل قضاہ
مانتحبش أبدا نار القيل والشوك والقال
وسؤال من بعده سؤال
وضياع المال
ولا نشهر لحظه سلاح فى شقيق
ونشيل الضيق من أى طريق
أو يبقى السيف دايمًا مسنون
ولا نخرج يوم من مسجد قبل صلاه
نقبل فى هديه ان كانت لينا ريحان
مانردش أبدا طيب



ولا يوم بكلام ..
نقطع فى ضهور الناس
ولا يبقى المؤمن يوم محتاج
ولا نشرب جوه حاجات الماظ
ولا ناكل أبدا جوه اطباق ..
فضه ومرجان
ازاى هاتنام .. وازاى هاتقوم
وازاى هاتكون..
القعه فى وسط القوم
وازاى لو دخل الداء فى مكان ..
مانروحش إليه
ولا لحظه نسيبه ..
ان كنا مازلنا بنسكن فيه
ولا نلبس يوم لبس الكفار
ولا ندخل جوه الدار إبليس
نستغفر طول اليوم ..
ويكون الذكر لروحنا جليس
نذنب ونتوب
ونعود بقلوبنا لأعلى كتاب



ونرتل فى القرآن
نتوكل ع الرحمن
نستغفر كل مكان وأوان
ونوحد دائما فى الرحمن
ونقول الله
الله الله الله
على خوفنا ف يوم نغتاب إنسان
اونطعن فى الأعراض
علمنا رسول المولى نكون أعياد
على كل عباد الكون
ونعوم فى المصحف لاجل يكون دائما فى العون
جاهليه لايمكن تانى تكون
لو واحد تحت إيدك ترضيه
باللى انت بتلبس فيه تكسيه
وتسمى عليه.. لو ضاع فى ضياع
تبقاله شراع .. صافى بيحميه
وان كان وياك خدام .. تعطيه
من أكلك لاجل يبات شبعان
تعاليم يا رسول الله تعاليم



منك يا حبيب .. من رب عظيم
وتقول وتقول وتقول وتقول
إنك يا رسول
مسئول عن كل هداية الكون
وانك مع رب الناس فى العون
وانك بتكون ..
لوحد احتاجك اسرع جدا ..
زى ما قال الناس م الريح
وانك بتداوى فى كل جريح
وانك تسابيح
بتهز السما بحروف النور
مصدق بتدوس ع غول الزور
وتحب النور
وتسامح روحك كل مسئ
وتفك الضيق ..
عن صاحب حاسس نار الضيق
بتبان يا رسول على كل مضيق
منقذ للعايز والمحتاج
واهب فى التاج ..



للمؤمن لو هايدوب فى آيات
وان قلبك فات على ارض البور
بتخضر قبل ما ييجى ربيع
ويطول القول
إنك يا رسول
مدثر .. هادى .. أصيل ورءوف
ما عرفتش خوف
وكريم وعظيم وحليم وختام
وإيمان وسلام
مزمل وانت جديد ع الغار
هازم فى فلول كل الكفار
وانك فى الحرب شديد مغوار
وانك فى الضلمه السخنه نهار
ودمار ع الظالم والجبار
وانا جايلك لابس هدمه شوق ..
وحنين وقبول
باطلب يا رسول ..
م المولى الستر فى كل الدنيا ..
وكل الآخره .. واموت فى هدوء

وأسيب بحروفى لكل الكون
أحلام .. وسلام .. وعلام..وشروق
يقبلنى المولى مع الصابرين
ومع العاشقين لصلاة الله ..
يا حبيبى عليك
ترمى على كتفى يا طه إيديك
وتطبطب .. يوصل قلبى أمان
يا رسول الله يا إيمان بركان
هزيت يا حبيب فى عروش الجان ..
وصبحت أساس
وهزمت فى ألف شيطان خناس
وبقيت الهادى لكل الناس
أرجوك تشفعلى فى يوم مكتوب..
أرجوك ترحمنى من الذلات
ترحمنى فى يوم العرض عليه
تتوصى بروحى ان وصلت يوم ..
يا حبيب القلب على الملكوت
وف ليلة الموت
تختارنى أكون مرتاح البال



متبسم .. هادى .. جميل الحال
وتصبر كل حبايب الروح ..
بالفرقه ان كانت ناويه تتطول
أرجوك يا رسول جوه الأكوان
تقابلنى ان جيتلك بالأحضان
علشان يا حبيب المولى أفوق
على روحى وهى بتطلع فوق
تشرب من ضوء الفجر بشوق ..
دا لحد ما نور الجنه يبان
سمعى آيات كل القرآن
سمعى آيات كل القرآن
واسقبنى بقلبك (شربة ماء)
ما اعطش فى يوم ..
يا حبيبى ياطه يا نهر الزاد
لو ذنبى فى دنيا سراب كان زاد
خلى حسناتى تفيض وتفيض ..
بصلاتى عليك
خلينى (العاصى) الباصص لىك دايمًا بعينك
واشفع للمذنب بعد ماتاب



يا رسول الله انفتح الباب
والموت بينادى فى كل مكان..
علشان ارتاح من أى جراح
وانت اللى معاك دايمًا مفتاح..
الجنه .. يا تصبح شوك موجود
يا تكون يا حبيبى شجر تفاح
يا تكون فى الجنه شجر تفاح
أرجوك تشفعلى عشان ارتاح
واصبح يا رسول الله وياك..
فى الجنه..
وكل الجنه براح
ان كنت ذنوب فى ذنوب
وسماحو سماح وسماح وسماح
أرجوك تعفينى بفضل الله..
يا حبيب الروح من أى سؤال
أنا عبد وكلى ذنوب فى ذنوب
وبتوب علشان يتصلح الحال



خلينى يا طه مع الصديق
وابن الخطاب ..
مع صاحبنى بلال
ياللى انت أتيت لكل رسول
وياك يا حبيب .. إنصلح الحال

